

„Droschak”

ORGANE

de la Fédération

Révolut. Arménienne.

ԴՐՕՇԱԿ

Adresse :

RÉDACTION DU JOURNAL

„Droschak”

GENÈVE (Suisse)

„ՀԱՅ ՅԵՂԱՓՈԽԱԿԱՆ ԴԱՂՆԱԿՑՈՒԹԵԱՆ” ՕՐԳԱՆ

ԿԱՐՍԻ ԴԻՆԱՄԻՏԱՅԻՆ ՊԱՅԹՈՒՄԻ ԶՈՀԵՐԸ



ԻՍԸՋԱՆ ԱՌԱՔԵԼԵԱՆՑ

ՎԱՐԴԱՆ ՏՕՆՈՅԵԱՆՑ

ՅՈՎՀԱՆՆԷՍ ՆԱՀԻԿԵԱՆ

ՊՕՂՈՍ ՊՕՂՈՍԵԱՆ

ԽՕԴՕՍՏՕՑԻ ՍԱՐԳԻՍ

Գ Ի Ն Ա Մ Ի Տ Ի Զ Ո Հ Ե Ր Ը

Ուշագործ հաւաքածու...

Հայրենիքի և աշխարհի այնքան հեռաւոր ծայրերից համախմբւած՝ պարտքի հերոսների այդ զուգադրութիւնը չէ՞ վկայում արդեօք նրանց դաւանած մեծ գաղափարի կայունութիւնը և գալոց անխուսափելի յաղթանակը...

Անարգ պատահար... Որքան յաճախ դու խեղդել ես խանձարուրի մէջ գաղափարական սիրուն ծրագիրներ, վսեմ յղացումներ:

Հինգ թանկագին նահատակները հանգչում են այժմ սահմանից ասդին և ոչ այն երկրում, ուր հողը եռում է տաք ածիններով, ուսկից վրէժխնդիր, ռազմիկ սերունդը պաղատագին կանչում էր նրանց... Բայց նրանք կը մնան միշտ ազատութեան մեծ նահատակների շարքում—նոյն արիւնոտած, տառապող ժողովուրդը երախտագիտութեամբ ծունկ կը չոքէ նրանց պաշտելի շիրիմների առաջ:

Ա Ն Լ Ե Զ Ո Ւ Վ Ի Թ Խ Ա Ր Ի Ն

Ծրք յետ դարերէ առաջին անգամ՝
Ծա Աւագ Մասիս ներսուց որոտամ,
Կանչեմ ու շնչեմ, արծակեմ՝ ծուխ, քոց,
Սասանեցեմ զԱրարատն հայոց,
Այլ ընի նշան հայոց աշխարհին,
Թէ գայ ժամանակ, որ գան փառքն այլ հին:

ԱՆԻՇԱՆ

Երէկայ անցքերն ենք յիշում ակամայ, Նահապետի այդ սրտառուչ տողերը կարգալիս...

Մասիսն էլ որոտաց, Արարատեան դաշտն էլ եկաւ ձայնակցելու սահմանի միւս կողմի, Մի՞ծ ու փոքր Հայքի պարբերական ժայթքումներին և ստեղծելու մէկ ա մ-բ ո ղ ջ ա կ ա ն, ներդաշնակ շարժում՝ մէկ ամբողջական հայրենիքի տենչով...

Մասիսն էլ որոտաց, կամենալով ցոյց տալ իր շուրջը վիտացող մանր ու խոշոր բռնակալներին, որ հայի աստղը դեռ փալիւում է երկնակամարի վրայ, որ հայութիւնը, պատմութեան այդ մեծ, արիւնոտ զոհը, իբրեւ մի ուրոյն կուլտուրական միութիւն, սպառնալիցաւ քաղաքացիական ու ռազմական ձիւքերով՝ իր տեղն ունի արեգակի տակ:

Հայոց Արարատը երկար համբերեց: Իր կրծքին զարնող հողմերի ու փոթորիկների դիմաց նա սովորել էր դարերի ընթացքում լինել համակերպող. բայց նա ցոյց է տւել, որ գերագոյն վտանգի ռոպէին գիտէ և բարկութեան շանթեր արձակել... Այդպէս էր երէկ: Արարատեան գաւառները «սասանեցին» և անդիմադրելի, տարերային ուժով քաշեցին իրենց ետեւից ամբողջ Ռուսահայաստանը:

Հայ ժողովուրդը, այդ անլեզու վեթիւարին, այդ կարծեցեալ ստրուկը, որ երկար ժամանակ լուռ ու անվերջով մարսում էր երկգլխեան արծւի հայաջինջ դաւերը, իր խորունկ ծալքերում անշէջ պահպանում էր սրբազան կրակը, նման իր պաշտած աւագ Մասիսին, որ թէեւ գրսից մշտապէս ձիւնապատ՝ ներսում շարունակ մթերում է հրահեղուկ զանգւածը, մթերում է դուրս ժայթքելու համար...

Ո՞վ է արդեօք թօթափել իրենից երէկայ հոյակապ անցքերի հմայքը... Ո՞վ արդեօք հպարտութեամբ չէ մտաբերում այդ եզակի օրերը, երբ խոնարհութեան, հնազանդութեան վարժած հպատակները վեր էին բարձ-

րացնում ժամանակիս ամենահզօր Բռնաւորի ձեռնոցի երբ Արարատեան գիւղերից ու քաղաքներից հայկական զինւած կամաւորները անվախ վազում էին թշնամու հանդէպ, երբ տասնեակ հազար Երեւանցիների կոչն էր որոտում՝ «դէպի Էջմիածին» և բիւրաւոր արձագանքներով գնում կորչում էր Մասիս անդունդներում...

Հրաբխի ժայթքումն էր այդ—ո՞ր ես Նահապետ...

Այն նւիրական վայրերում, ուր խաղացել է հայի պատմական ճակատագիրը, ուր ամփոփւած են նախնիքների սրբագործւած նշխարների հետ՝ հինաւուրց փառքի յուզիչ բեկորները և սե օրերի տխուր յուշերը,—այնտեղ, այն վայրերում հայ ժողովրդական ցասումը ռուս բռնապետութեան սադրանքների դէմ՝ եղաւ ամենից աւելի ուժեղը և ամենից աւելի հոյակապը:

Ինչպէս մինչև այն լուռ ու անհրապօր էր Արարատեան դաշտը... Մասիսը կարծես խռովել էր իր վեհապանձ գագաթը ասես բարկութեամբ դարձրել էր հարազատ զաւակներից և այլևս տրամադիր չէր ձայնակցել Աւարայրի բլբուլի երգչին՝

Անա շարժեցան դաշտը Արարատայ,
Ի՞նչ այլ շարժեցէք մանկըտիք հայկայ...

Եւ Մասիսը զուր չէր խոժոռել ճակատը. նա տեսնում էր ապիկարութեան նողկալի փաստեր իր հարազատների մէջ... Նա տեսնում էր, իրենից ոչ հեռու, Անդրկովկասի շէն կենտրոններում, ուր հայ տարրը մտաւոր, կուլտուրական առաջնութիւն է վաստակել, հայոց դարձր հասարակութիւնը՝ հայրենիքի աղը, ազգային ճակատագրի ղեկավարողը՝ յօժարակամ բռնել էր ռ ու ս ա ց-մ ա ն ճանապարհը... Այլասեռումը կատարում էր ընդարձակ չափերով մի բիրտ ու գռնհիկ կ օ ս մ օ-պ օ լ ի տ ի զ մ ճարակում էր հայ «կրթւած» շրջանները և ամէն ինչ մատնում էր անարգ մոռացութեան:

Հարկաւոր էր մի շանթ, ազդարարող մի զօղանք. Հայ ժողովուրդն էր, որ բռնութեան նոր հարւածի լուրն առնելուն պէս՝ հնչեցրեց այդ զօղանքը Մասիս ոտոքից: Մոլեգնութեամբ նա հրապարակ նետեց և կօղակների սուլիւների դիմաց բարձրաձայն շեշտեց իր հաւաքական, ազգային իրաւունքները: Եւ շարժման ալիքը տարածեց Արարատեան դաշտն ի վայր, գրկեց հեռաւոր հօրիզոններ, անցաւ Կովկասեան լեռնաշղթան, հասաւ

մինչև խոշոր արդիւնաբերական կենտրոնները, քարշելով իր ետեւից և՛ հայ հասարակութիւնը, և՛ հայ կղերը և՛ հայ ինտելիգենցիան:

Որպիսի իդէալիզմ մերկ ու անկիրթ մասսայի մէջ...

Եղել են համաշխարհային պատմութեան ընթացքում բազմաթիւ մոմէնտներ, երբ գաղափարական կռիւ արծարծողը և առաջապահը կազմել է պարզ, համեստ մահկանացուներից բաղկացած այն անլիզու մասսան, որը սովորական, նօրմալ ժամանակ լուռ ու մունջ է մնում, հեռու ֆրազներից ու յաւակնութիւններից և որի վրայ այնքան բարձրից է նայում մտաւորական տարրը:

Այդ մոմէնտներից մէկն էլ ահա կրկնեց մեր կեանքում,—հայ ժողովուրդը վերջին անցքերի միջոցին տեց իդէալիզմի և անձնւորութեան փայլուն ապացոյցներ: Այդ անցքերը պարզ վկայեցին, որ ապականութեան, այլասեռման ախտը արմատ է ձգել մեր ազգային օրգանիզմի գլխի մէջ միայն, այն ինչ սիրտը մնում է առողջ և անապական: Հայ մասսան համարձակ թուիչքներով սովորեցրեց հայ հասարակութեան, թէ ինչպէս պաշտպանել ազգային ոսնահարեած իրաւունքները:

Եւ նա կը շարունակէ սկսած պայքարը, մշտապէս խռովելով օպպօրտիւնիստների և բոլոր խոհեմների նրբաբացած ջղերը...

Յենւած իր առողջ բնազդութեան վրայ, թելադրած հայրենիքի վեհ պաշտամունքից, հրահանգած այն բնատուր իդէալիզմից, որով տոգորւած է նա ժառանգաբար, դարերից ի վեր,—հայ ընդհանրութիւնը կը շարունակէ բարձր պահել ազգայնութեան դրօշը և բռնապետութեան ոտնձգութիւններին կը պատասխանէ միշտ համաձայն «ակն ընդ ական»-ի տիեզերական օրէնքին... Երբէք վհատութիւն և երբէք զինադադար: Կովկասեան հայութիւնը արդէն ցոյց տուց մի շարք փայլուն իրողութիւններով, որ շատ էլ բարեկամ չէ կռիւ այն ծոյր անկարող մեթոդին, այսպէս անւանւած կրակոցի և դիմադրութեան, որ ծաղկում է ուրիշ տեղերում և որ հանգցնելով յեղափոխական խանդավառութիւնը, խրախուսում է միայն բռնաւորներին և յետաձգում կռիւ յաղթանակը հեռու, մշուշապատ ապագային...

Հայը ապացուցեց, որ նոյնիսկ ամենազօր բռնութեան ճանկերում՝ կարելի է ուժով դիմադրել ուժին: Եւ նա այդ տաքտիկով յարգանք ներշնչեց օտարների մէջ... Բուն մարտական յեղափոխական Ռուսաստանը հիացմունք զգաց, դիտելով անգրկովկասեան հսկայի մէջ թագնւած ուժերի ժայթքումները և չզլացաւ իր ամենաջերմ ու անկեղծ ներբողները հայ կռուողների վճռականութեանն ու հերոսութեանը: Ութսուն տարւայ յեղափոխական անցեալ ունեցող և միւսնոյն մարդասպան ռեժիմի դէմ կռուող Ռուսաստանի լաւագոյն տարրերի այդ ներբողները նոր խրախոյս կը լինեն ռուսահայ ժողովուրդին, նոր թափ կը հաղորդեն նրա ըմբոստութեան...

Յառաջ. հրահեղուկ զանգւածը եռում, փրփրում է

Մասսի արգանդում: անլիզու վեթխարին դեռ ևս չէ ասել իր վերջին խօսքը... Նա դեռ կ'երերայ և իդէալիզմի բարձր թուիչքներով կը ջերմացնէ հայկական մըթնոլորտը. նա կ'արագացնէ կռիւ սլացքը, լաւ գիտակցելով, որ իր սեփական բազուկներով միայն պիտի փորփորէ կովկասեան Հայաստանում խորիսխները այն վայրենի բռնապետութեան, որը մղձաւանջի պէս ծանրացած է հայութեան բոլոր հատւածների վրայ:

... Այդ ընդ նշան հայոց աշխարհին, թէ գայ ժամանակ, որ զան փառքն այլ հին...

Չենք ուզում հին փառքը: Ժամանակները առաջադիմել են և փառքի հասկացողութիւնն էլ յեղաշրջել է: Եթէ այսօր հայութեան երդւեալ թշնամիները Ռուսաստանում և Խորապայում, հրապարակով, մամուլի էջերում յիշոցներ են ուղղում հայկական շարժման, մեղադրելով այն՝ հայոց թագաւորութիւնը վերականգնելու տղայամիտ ցնորքների մէջ,—դա նրանց գործն է և մենք չենք նախանձում նրանց: Հայ կռուող ժողովուրդը հեռու է ուսուպիայից, բանդագուշանքներից: Դարերով ստրկացրւած, դարերով զրկւած մարդկային տարրական իրաւունքներից՝ նա կարող է միայն մէկ տենչ ունենալ, որ ներկան է բոլոր ազգերի համար,—ապրել ազատօրէն իր նախնիքների արիւնով ցողւած հայրենիքի մէջ, զարգացնել իր ինքնատիպ կերպարանքը, իր ցեղական առանձնայատկութիւնները և ձեռք ձեռքի տւած հարեան ազգերի հետ, իբրեւ մի ինքնուրոյն անդամ նրանց շարքի մէջ, իբրեւ մէկ անդամ համամարդկային մեծ գերդաստանի: ձգտել դէպի բարձր կերպեր հասարակական կենցաղի, ուր բազմատանջ երկոտանին անդուլ թափառումներից ու խարխալումներից յետոյ՝ կը գտնէ վերջապէս մաքսիմուլը—ծայրագոյն աստիճանը—ազատութեան և բարօրութեան:

Մ Ե Ր Մ Ա Յ Ր Ե Ր Ո Ւ Ն

Ժամ է օրհասի, հեռուն ըշտապով
Ձանգերն օգնութեան կանչն ամէն ոք,
Դուրս կը ծծեն ջրացաններով,
Մոռցնեն միւսիւ ալ ո՞վ կ'ընէ հոգ:
(Ապստամբութիւնը) ԷՄԻՆ ԱԾՐԱՐՆ

Աչերնիդ պղտոր, շրերնիդ կարմիր,
Խանձուած մազերնիդ մըրըրկին տուած,
Որո՞ն կ'աղօթէք ցաւատանջ մայրք մեր,
Միթէ դեռ կ'ապրի հայու կոյր Աստուած !

Ալ վերջ Աղօթքին, խունկին ու խաչին.
Սուգի, Արիւնի՜ այս որբ օրերուն,
Ձեր շըրթները թող տարփանքով փակչին
Աստուածաանարգ Պողպատին փայլուն:

Աղաղակեցէք ձեր զաւկներուն
Թէ — «Աստուածն հայու մըտաւ հողի գոգ
«Ահա ձեզ կապար ու Պողպատ շողուն
«Մեռցնել-մեռնիլ! ալ մի ընէք հոգ»:

ՎՏԱՐԱՆԴԻ

Մ Ո Ւ Շ—Ս Ը Ս Ո Ւ Ն

Եւրօպական Թերթերը վերջերս Կ. Պօլսից հաղորդեցին մի կարեւոր լուր հետեւեալ բովանդակութեամբ.
Սասունում երեւացել է Անդրանիկը իր լազիկաթիւ ժողովանոցով. տեղւոյն գայտագաւթ փախել է իր ամբողջ պահա-
կախութիւնով: Չորրորդ զօրաբանակի հրամանատար Ձէքի փաշան Տէֆիկ փաշայի հետ միասին մեկնել է Կէպի Մուշ:
Չնախատեսելով կատարելիք եղեւնական դէպքերը Մշոյ և Սասնոյ շրջանում, մենք օգտակար ենք գտնում բերել
այստեղ մեր ընկերներից ստացւած նամակներից և տեղեկագիրներից մի քանի քաղաքների, որոնք որոշ չափով
լոյս են սփռում իրերի կացութեան վրայ այդ շրջանում:

Սասուն, 26 նոյեմբեր 1903

Անցած ամառայ յունիս-յուլիս ամիսներուն կառա-
վարութիւնը բանակ դրեց Գէլիէ-Կուզանի մօտերը: Ամէն
կողմէ լուրեր կը հասնէին մեզի որ քրդերը գրգռւած
նախադրածակ պիտի լինին տեղիս ազգաբնակութեան և
կազմակերպւած պաշտպանողական խումբերուն վրայ:
Կուէի առիթ չտալու և տխուր անցեալի կրկնողութիւնը
չտեսնելու համար՝ որոշեց պաշտպանել և ազոր հա-
մար բարձրանալ լեռները, գրաւել յարմար դիրքեր
Գէլիէի ու Անդրքի վրանները: Հոս փոխադրւեցան ռազ-
մական և ուսեստի պաշար: Զէնք ունեցողներու մեծ
մասը բաժանեց խումբերու և սկսեցին դիրքեր յար-
մարցնել կուէի համար: Գոբրէ Շէրիֆ (սան *) նշանակեց
իւրեւ առաջագահ՝ հսկելու և պահելու Անտքի ճանա-
նապարհը: Բոլոր ժողովուրդը իր ինչքերը բերաւ դրեց
այդ սարերու ստորոտները: Թէ զինւածներ և թէ ան-
զէններ կազմ ու պատրաստ էին: Այլ ծածուկ բան չկար:
Յեղափոխութեան կարմիր դրօշը կը ծածանէր Անտքի
վրայ: Երկու ռիսերիմ բանակներ, որ միայն երկու ժամուայ
տարածութեամբ կը բաժանէին իրարմէ, առտւելէ մինչև
երեկոյ գիւրար կը դիտէին:

Տեսնելով որ մեր քաջերը անվեհեր կերպով պատրաստ
են դիմադրելու, ամէն կողմէ թէ հայ, թէ թիւրք և թէ
քիւրդ աչքերնին դարձեցան էին Գէպի սարերը և
օրէցօր կըսպասէին ամպրոպի պայթելուն...

Յուլիսին, քրդերը և մի քանի ծպտեալ ոստիկաններ
երկու անգամ ուխտի պատրւակով եկան Անտք, հայերի
գրաւած գագաթի հանդիպակաց գագաթը. եկան, հրա-
ցաններ պարպեցին, բայց տեսնելով մերոնց արհամարհոտ
վերաբերումը, վախցան առաջ գալ և յետ դարձան...

Օգոստոսին, հակառակ առջի օրերուն յուզումնե-
րուն ու տարածւած լուրերուն, ինչպէս նաև Բաղէշի
կուսակալին Մուշ հասնելուն ու հոն մնալուն—թէ կա-
ռավարութիւնը և թէ քրդեր հանդարտ մնացին: Անգամ
մը զօրքերուն հրամանատարը ուզեց զօրքերով գալ և
այցելել ալիանցոց շինած նոր մատուռը, բայց անոնք չ'ըն-
դունելով ետ կեցաւ: Ուրիշ անգամ մը բազմանցի քրդեր
ջուրի պատճառով վէճ ունեցան սեմալցոց հետ, վերջիններս
հրացանաձգութեամբ յետ մղեցին զանոնք և քրդերը
չհամարձակեցան առաջ գալ: Օգոստոսի վերջերը Գուռզքի
վրայ բնակող քէօշերը մեկնեցան գացին: Ազոր հետ միասին
յանկարծ լուր եկաւ այլևայլ տեղերէ, թէ կառավարու-
թիւնը կը պատրաստուի գրաւել Շէրի-Սեմալ, Կէլին և
Քեղաբը... Թշնամին առանց կուէի կը
մտածէր յաղթանակել: Անտքի և Գէլիէի վրայ ցուրտը
սկսած էր: Զուրի և վառելիքի պակասութիւն կար: Ժո-
ղովուրդը կը նեղէր: Եթէ գիւղերը գրաւէին կարելի
չէր դուրսը երկարատե կռիւ մղել ու դիմանալ: Խորհուրդ

գումարեց և որոշեցաւ լեցւիլ գիւղերը: Այդ որոշումը
անմիջապէս գործադրւեցաւ: Աւելի մօտեցանք բանակին:
Այդ օրերուն մեր տղայք ձերբակալեցին երկու ոստի-
կաններ, մէկը քիւրդ, միւսը հայ: Քիւրդը ազատ արձակ-
եցաւ և այդ հանգամանքը թողեց թշնամու վրայ մեծ
տպաւորութիւն, աւելի ևս բարձրացուց մերոնց վարկը:
... Սեպտեմբերի կիսուն բանակն ալ մեկնեցաւ և քիչ
վերջը կառավարութիւնը Տարկայ մէջ իր ունեցած գայ-
մագամը, հազարապետը և ոստիկաններն առաւ տարաւ
Մուշ: Մշոյ թիւրքերը գրգռւեցան, որ այսպէս կառա-
վարութիւնը Սասունը թողուց Փէդայիներուն: Կուսակալը,
որ նոր մեկնած էր, նորէն վերադարձաւ Մուշ: Երկու
հեռագիրներ քաջեցին սուլթանին... Քաղաքէն քանի
մը ազգեցիկ թիւրքեր հեռացուցին Կ. Պօլիս:

Այսօր հայերը բացարձակ տէրն են Սասնոյ, որ գրեթէ
անկախ վիճակի մէջ է: Կառավարութիւնը ոչ տուրք կը
հաւաքէ և ոչ ալ տեղւոյս գործերուն կը միջամտէ: Թէ
մօտաւոր և թէ հեռաւոր վայրերուն մէջ աւելի քան
երբէք արձագանք գտած է Փէդայիի հռչակը. առաժի
կարգ անցած են անոր անվեհեր քաջութիւնը, արդա-
րասիրութիւնը և ուղղամտութիւնը...

Կառավարութիւնն ալ անգործ չի նստեր, լաւ գիտէ,
թէ ինչ կ'անցնի ու կը դառնայ: Ինչպէս կ'երևի, չուզեր
ներկայիս մէջ աղմուկներ դուրս բերել, բայց իր պատ-
րաստութիւնները կը տեսնէ: Վերջերս վեց թնդանօթ
բերաւ Մուշ: Այլսւի թէ ուրիշներ ալ պիտի բերէ և
Մուշ զինւորական տէսակէտով պիտի բարձրանայ, պիտի
ըլայ կիսաբաժին (ֆրգա):

Գարնան ընդհարումը անխուսափելի կ'երևայ... Թող
հայութիւնը աչքից չթողնէ Սասնոյ առիւծների օրհա-
սական վիճակը...

Ք Ա Ղ Ի Ա Մ Ք

ՄՇՈՅ ԵՒ ՍՍՍՆՈՅ ՀԱՅԿԱԿԱՆ ԳԻՒՂԵՐՈՒ ԱԶԳԱ-
ԲՆԱԿՈՒԹԵԱՆ ՏԵՂԵԿԱԳԻՐԷՆ

Մ Շ Ո Յ Շ Ր Զ Ա Ն	Հնտանիք		
	Գիւղեր	Հայ	Քիւրդ Տաճիկ
I. Ա. շրջան՝ Ալուառինձ, Խաս- գիւղ և այլք...	30	1723	654
II. Սոխգոմ, Առինձ...	19	1484	68
III. Ցրօնք, Աւրան...	20	1190	123
IV. Ղալաղաձ, Շէխլան...	13	520	63
V. Զիարէթ, Ղէյպիան...	8	578	68
Մուշ քաղաք...	1	1400	3000
ԳՈՒՄԱՐ	93	6895	3976

*) Սասունցոց բարեկամ ապստամբ քիւրդ ցեղապետ մը:

Ս Ա Ս Ն Ո Յ Շ Ր Զ Ա Ն	Ընտանիք		
	Գիւղեր	Հայ	Քիւրդ Տաճիկ
I. Հատախ՝ Էնիք, Սէմալ Լըն	9	277	9
II. Միջին մաս՝ Կէրէկուզան Աղբի, Իշինձոր	3	290	—
III. Ծովասարի փեշերը՝ Հե- րինք, Հարկորք	9	113	18
IV. Տալորիկ՝ բուն Տալորիկ, Նորդեք, Սպաղանք	9	144	—
ԳՈՒՄԱՐ	32	824	27

ԲՈՒՍԱՆԱՅ ԳԱՆԱՌ

Մըգեղ, Խնձորիկ Լըն	16	200	—
Խիանք՝ Պերմ, Փառկա	9	290	25
Խուլք՝ Գեղերվանք, Կասգէ	7	355	100
ԳՈՒՄԱՐ	32	845	125

Ընդհանուր գումար Մշոյ և Սասնոյ շրջանի՝ 157 գիւղեր (չհաշված Սասնոյ գիւղերու մանր թաղերը), 8564 հայ և 4128 քիւրդ և այլ մահմետական ընտանիքներով։ Ի նկատի առնելով ցեղային և կենցաղավարական տարբերութիւնները, ամէն մի տան մէջ միջին թւով հաշուելու է հայ ընտանիքներու համար 8—9 հոգի, քիւրդ և այլ մահմետականներու համար 5—6։ Այդ պարագային Մշոյ և Սասնոյ շրջանի ամբողջ ազգաբնակչութեան թիւը կը լինի 89,100—էն մինչև 101,800, որից հայ՝ 68,500—77,000, քիւրդ և այլ մահմետականներ՝ 20,600—24,800։

Թ Ղ Թ ՈՒ Կ Յ ՈՒ Ի Թ Ի Ի Ն Ն Ե Ր

ՆԱՄԱԿՆԵՐ ՎԱՆԵՆ

30 հոկտեմբեր, 1903

Կեղծիքը, խարդախութիւնը, ներքին դաւերը թիւրքին բնորոշ յատկութիւնները եղած են։

Թուճաւորելու փորձ.—Վարդգէսին համար ցկեանս բերդարգելութեան վճիռ արդէն տրւած է. սակայն կառավարութիւնը մտածելով թէ կրնայ պատահել որ ներում գայ և վարդգէսը ազատի՝ ձեռնարկեց մի այլ դատի. վարդգէսը ամբաստանեց իբրեւ մարդասպան մատնիչ Խաչիկի սպանման գործին մէջ, մինչդեռ այդ ժամանակ նա բանտն էր և խիստ հսկողութեան տակ։ Ու այժմ կը ջանայ նրան դատապարտել իբրեւ ոճրագործ, որ եթէ քաղաքական յանցաւորներին ներում չնորհէի, եղեռնականով բանտարկեալ թնայ Լըն։

Ասով ալ գոհ չեղած, այժմ բանտապետը, գոմիսէր Հիւսնին և Աթամ պէյը դաւադրութիւն մը սարքած են վարդգէսին թուճաւորելու։ Թրքական նախանձկոտութիւնը չկրնար տանել, որ վարդգէսի պէս մէկը բանտի մէջ անգամ ապրի։

Հիւպատոսները.—Տեղւոյս օտար հիւպատոսներու ամբողջութիւնը թրքամոլ է, այնպէս որ այսպիսի կրիտիքական պարագաներուն անգամ չենք համարձակիր նրանց դիմել։ Քանի ամիս առաջ մի կռիւ տեղի ունեցաւ բանտում, թիւրքերը յարձակւել էին հայ բանտարկեալ-

ներու վրայ, լաւ մը ծեծեր էին։ Սակայն կառավարու-
թիւնը շղթայեց հայերու ոտն ու ձեռքը, ու խիստ կերպով
նեղել սկսեց բանտարկեալները։ Իրողութիւնը պարզող
մի գրութեամբ իմացուցինք հիւպատոսներուն, որոնք
իբրեւ ստրկական պարտք մը, կարծես, փութացին մեր
գրութիւնը տանել կուսակալին և խոստանալ, որ երկրորդ
անգամ կը ձերբակալեն այդ կարգի թուղթ բերող մը։
Սակայն մենք չուզեցինք հաւատալ եղած տարածայնու-
թեանը, փորձեցինք Ֆրանսական տեղապահին, որ կղե-
րական մըն է, Քրիստոսի աշակերտ մը ըստ իր կարծեաց,
ղեկել մեր մէկ ընկերոջը շրջած տեղեկագիրը։ Տանողը
հազիւ կրցաւ ձերբակալումէ ազատել և շունչը մեր
քովը առնել։

Երկու օր առաջ հասաւ Ֆրանսական հիւպատոսը,
բայց դեռ յայտնի չէ, թէ սա ինչ կարգի մարդ դուրս
պիտի գայ։

Քրդական կեղծիքը.—Քրդերն ալ յարաբերութեան
մէջ մտնելով օսմանցիներու հետ, շուտով իւրացուցին
զրպարտութեան ու կեղծիքի բաղաբանութիւնը։ Վանէն
2-3 ժամ հեռաւորութեան վրայ կէս հայ կէս ասորի
Դօնիայ անուն գիւղը կայ։ Մի քանի տարի առաջ Նա-
մաթ անուն կեղեքիչ քիւրդ մը կը հաստատուի հոս և
օրէօր կ'աւելցնէ իր կեղեքումները։ Վերջերս ասորիները
հայերի հետ միացած՝ բողոք կը բառնան և կ'ուզեն
կառավարութեան միջոցաւ դուրս քշել այդ անկոչ հիւրը։
Գործը արդէն յաջողուելու վրայ էր, ու Նամաթը կը
մտածէ աղուէսութեամբ մը խանգարել յաջողութիւնը։

Մի օր քանի մը քիւրդեր լեռ կը շրջէ ու ինքն ալ
քանի մը ընկերներով դուրս կուգայ գիւղէն անոնց հա-
լածելու իբրեւ ֆէդայիներ։ Հրացանաձգութիւն մըն է
որ կըսկսի. գիւղին մէջ գտնւած մի ոստիկան ալ կը
փութայ կուրի վայրը ու կարծեցեալ ֆէդայիներէն կը
վերաւորուի ծանրապէս։ Նամաթը կը դիմէ կառավարու-
թեան, կը յայտնէ, թէ դօնիացիները կ'ուզեն զինք գիւղէն
դուրս ձգել, որ ազատօրէն ֆէդայիներ տանեն բերեն,
թէ վերջերս ինք 140 անձէ բաղկացած մի խումբ է
տեսեր և հետերին կուրի բռնել։ Սակայն մի քիչ հարց
ու փորձէ ետք, Նամաթը ֆէդայիներու թիւը 25-ի
կ'իջեցնէ, որով կառավարութիւնը կը կասկածի քրդու
ճշմարտախօսութեանը և վերաւոր զինւորը քննութեան
կ'առնէ, որը կը յայտնէ, թէ ինք միայն չորս ձիաւոր
քիւրդ է տեսեր, որոնց գնդակէն ալ վերաւորուել է։
Նամաթ նեղն ինկած՝ ի յայտ կը բերէ մի ժանգոտ մօսինի,
որ իբր թէ ֆէդայիներից է խլեր։ Կառավարութիւնը
ժանգոտած մօսինը տեսնելուն՝ կը վռնտէ Նամաթին
ասելով. «Ֆէդային այդպիսի փճացած ապրանք ձեռք
չ'առնիր»։

Սակայն ասով չի փակւիր խնդիրը. գոմիսէր Հիւսնին
միշտ հեռագիր կուտայ Պօլիս ու կը պնդէ, թէ տես-
նւողները ֆէդայիներ են. ասոր նպատակն է վանը ներ-
կայացնել մի յեղափոխական կեդրոն և փութացնել
շարդ մը։

II

1 դեկտեմբեր, 1903

Գաւառներից ստացւած նամակների մէջ անթիւ, ան-
համար անգամ արձանագրւած կեղեքումներից, բռնաբա-
րութիւններից և աւազակութիւններից զատ՝ շեշաւում է
կառավարական և քրդական պատրաստութիւնների վրայ։
Վերջերս հռչակաւոր աւազակ Սայիդ-Ալին մեծ թւով

քրդեր է հաւաքել Խիզան. ինչ որ խլրտում է նկատուում: Մշոյ և Սասունի մէջ վիտում են զօրքերի և համիդիէնների բանակներ: Մշոյ զօրքերի հրամանատարը, Լիվան, իբր պատրաստել է անցեալ հոկտեմբերին յարձակում գործել լեռնային գաւառների վրայ, բայց կուսակալը արգելել է, ցոյց տալով սուլթանէն եկած մի հրամանագիր, որով հրամայուում էր պաշտպանել հպատակ քրիստոնեաներին, որովհետեւ մեծ պետութեանց պաշտպանութիւնը զրական ձեռք է արտայայտելու այժմ... Կողոպուտի, սպանութեան ու քաջութեան երազներով վառած համիդիէնները դժգոհ այդ արգելքից՝ ասում են. «Լսել ենք, որ փատիշահն էլ ֆէդայի է դարձել. ոչինչ, թող դառնայ, մենք էլ մերը կ'անենք, տեսնենք փատիշահը ինչպէս պիտի արգելի»: Թշւա՞ռ ու վայրագ ժողովուրդ, որ արիւնարբու սուլթանին անգամ ֆէդայի է դարձնում... Ճշմարտութեան որոշ բաժինը կայ այդ լուրերի մէջ, որովհետեւ Խիզանայ կէտան գիւղի Մուսա բէյն էլ, որ Հաջ էր գնացել, այս օրերս վերադարձաւ և եռանդով նոր համիդիէ գնդեր է կազմում... Կամայականութիւններին վերջ չկայ:

Հոկտ. 13-ին Անիի գիւղէն 2 ճիւղ ոչխար քշել տարել է քիւրդ հեծելազօրքը: Նոյն միջոցներին Մանազկերտի մէջ եղած զօրքերը բռնաբարած են նոյն տեղի Մօլլա Իւսուֆի տղան: Մօլլան կատաղած՝ բնիկ թիւրք, քիւրդ և հայ բնակիչների հետ մի բողոքագիր են ներկայացնում գայմագամին, խնդրելով որ զօրքը հեռանայ քաղաքից: Գայմագամը տեսնելով, որ իր դրութիւնն էլ պիտի ծանրանայ, դիմում է խորամանկութեան, նա ձրգտում է բաժանել բողոքող մահմետականներին հայերից: Իրիկունը կը հրամայւի զօրքերին պատել թաղեր, իսկ պահնորդներին գողգողալ ու հրացան պարպել: Պահնորդների հրացաններին կը պատասխանեն զօրքերը: Ժողովուրդը շփոթւած, զինւած ու անզէն կը թափւի փողոց. դէս-դէն ի՞նչ է, ի՞նչ է եղել՝ հարցումներին կը պատասխանեն թէ յեղափոխականներ յարձակել են բերդի վրայ: Դիչ, վայնասուն, հեռագիրներ և հետեւեալ առաւօտը կը պարզին կառավարութեան գործակալների մեքենայութիւնները: Սրանք տրագիկոմեդիայի նմուշներ են, արժանի արձանագրելու օսմանեան ապագայ պատմութեան մէջ:

Սեպտ. 20-ին ճանպէզար ասւած 31 հոգի հեծելազօր, մշեցի Հաճի Ալահվերտիի հրամանատարութեան տակ մտնում են Զրագիւղ. պատահած գիւղացի անցորդներին ծեծի-ջարդի տակ են առնում, ձիերը կապում են, յարձակում գիւղացոց գարու ջվաշների վրայ և 26 կօտ գարի սփռում են ձիերի առաջ, յետոյ ընկնում են գիւղ, որսում են 46 հաւ, մորթում են խոյ ու ոչխար և խնջոյք են սարքում: Դրանք 2-3 օրւայ մէջ կատարւած թրքական քաջագործութիւններն են, ապա ի՞նչ է կրել հայ թշւառ ժողովուրդը ամիսների և երկար տարիների ընթացքում... Հարկերի հաւաքման և նրանց տեսակների մասին կը գրեմ մի այլ անգամ:

Յեղափոխութիւնը այսօր մեծ հեղինակութիւն է վաստակել օտար տարրերի մէջ: Տաճիկ թէ քիւրդ մտածում են, որ ներկայ տաճկական տիրապետութիւնը ժամանակաւոր է, որ երկիրը մերը պիտի լինի: Քիւրդերն ու տաճիկները, որոնք առաջներում անվախ լըբութեամբ իրենց քէֆն ուզածը գործադրում էին — գողութիւն, սպանութիւն, բռնաբարում և ըն — այժմ շատ զգուշու-

թեամբ են կատարում և կատարելուց յետոյ էլ քունը աչքներից փակում է. ֆէդայու գնդակն ու դաշոյնը մղձաւանջի պէս հետեւում են նրանց: Տաճիկներից շատերը, որ առաջ իրենք իրենց երկրի իսկական ժառանգներն էին համարում, այսօր իրենց կալաւածները թողնում են ամառի ու աւերակ, ասելով թէ, ինչո՞ւ շինենք, քանի որ վերջը գեաւուրներին պիտի մնայ: Մի քանի տեղեր միայն, ուր օտար տարրը տիրապետող է, սաստիկ նեղւում են, շնորհիւ տնտեսական անկարողութեան. օրինակ, Արձէշ, որ մի քանի հազար բնակիչ ունեցող գիւղաքաղաք է, մեծ մասամբ բնակւած է տաճիկ և քիւրդ ժողովուրդով: 96-ի կոտորածի օրերը նա աւելի բան ուրիշ տեղերը, սոսկալի աւերմունքի ենթարկեց, շնորհիւ տիրող մահմետական տարրի, երկրի դիրքի և հայ ժողովուրդի անզէն լինելուն: Տաճիկները և քրդերը հիմնովին կողոպուտի և աւերման ենթարկելով հայերի հարստութիւնը, այժմ իրենց ձեռքն են առել նրանց իսկ աշխատութեամբ գաւառի առևտուրը, և բազմաթիւ տաճիկ դրամատէրերը վաշխառութեան միջոցով շատերին գաղթեցրել են ու ոչնչացրել: Անցեալում ձեռք բերւած աւարը նրանց մի ուրիշ խեղճ է թելագրել: Տեղացի հայերը այժմ հազիւ իրենց օրական պարէնն են ձեռք բերում: Տաճիկները (մեծ մասամբ հայերի տնկեցներ), որոնցից գրեթէ իւրաքանչիւրի ձեռքը կայ մի քանի տասնեակ ոսկիներ՝ լեցւած յգթասրտութեամբ և բարեկամական քնքոյշ զգացումներով, ամէն մի յարմար առիթով ուրախ պատրաստակա՞նութեամբ առաջարկում են հայերին ընկերանալ իրենց հետ, առևտուրի և արհեստի մէջ. «Դիմող ես կը տամ գործը դու արա՛, ախպէր»: Ըստ թիւրքեր այժմ օրթաղ են հայերի հետ վաճառականութեան և արհեստների մէջ: Բայց դա ի՞նչ պօլիտիկա է... որովհետեւ իրենք ընդունակ չեն ոչ առևտուրի և ոչ արհեստի, ընկերացնում են հայերին ժամանակաւորապէս, մինչև նորից, ալլահի շնորհիւ, մի կոտորած կը լինի, որով ոտքի կանգնեցրած, ընդարձակած առևտրական տունը կամ խանութը ամբողջապէս կը մնայ կրկին իրեն: Այդքանը առևտրական հողի վրայ: Նոյն պօլիտիկան են բանեցնում թիւրքերը նաև հայերի տների վերաբերմամբ: Նրանք առատօրէն վճարում են հայերի տների վարձը, նրանք միշտ հակած են մեծ, ամուր ու երկարկանի տներ ունենալ, բայց հայերը լաւ են հասկացել և ըստ կարելոյն մերժում են նրանց, եթէ մինչև իսկ ամբողջ տունը դատարկ մնալու լինի: Այն ինչ առևտուրը ընկերութեամբ ստիպւած են շատերը ընդունել, որովհետեւ ապրել պէտք է և չկայ դրամ, մինչդեռ հարկաւոր է դրամագլուխ: Արձէշի ժողովուրդը մշտական սարսափի մէջ է. մայրերը համոզում են իրենց որդիներին, որ օր առաջ հեռանան դէպի Ռուսաստան ու ապրին այնտեղ, մինչև տեսնեն «Աստուած ինչ դուռ կը բանայ վեր մըզի»: Թշւառ, ապաքախտ մայրեր, տեսել են մի անգամ թէ ի՞նչ սոսկալի է թշնամու գաղանութիւնը... Խնդրում ես պատմել կոտորածի արհաւիրքներին, և պատմում են քեզ միանման, սոսկալի մանրամասնութիւններով և այնքան անզգայ, անտարբեր, զարմանում ես, մարդիկ քարացել են, ապշել յարկարձակի հարւածներից, նրանց համար սովորական բան է դարձել արիւնը...

Երկու օր առաջ բանտից փախան 17 բանտարկեալներ, որոնցից 3-ը հայ էին. երէկ գտան 7-ին, որոնցից մէկը

Հայ, իսկ միւսները չկան. խուզարկութիւնները շարունակ-
ւում են, խուզարկողները կը կատարեն իրենց պաշտօնը ամե-
նայն «խնամքով»: 2-3 շաբաթ առաջ զօրքեր բաժանեցին
Այգեհատանի թաղերի վրայ: Յայնկոյսներաց թաղը այնքան
զօրք կայ, որ կանայք վախենում են թաղի եկեղեցին
գնալ: Տեղիս ժողովուրդը առհասարակ երկչոտ է և
չափազանց շահասէր. զարմանալի է մեր քաղաքացին.
այնքան հարւածներից ու տառապանքներից յետոյ ևս
նա դեռ ամուր կապած է առօրեայ մանր կեանքի հետ և
դժւարութեամբ է մարսում աւելի բարձր գաղափարներ:

Ն Ա Մ Ա Կ Ա խ Լ Ա Թ Է Ն

15 օգոստոս, 1903

Համիդիէները եւ թիւրք կառավարութիւնը.

Նորութիւնը կառավարութեան բռնած ընթացքն է հաս-
նանցի համիդիէներու դէմ՝ Բուլանըխի մէջ:

Թիւրքիոյ գործերուն քիչ շատ ծանօթ մէկը չկայ, որ
չգիտնայ թէ քրդերը արդէն անյիշատակ տարիներէ
իվեր աւազակութեամբ կ'ապրէին: Բաղէշի Վիլայէթի
մէջ անմըցելի կը մնային աւազակութեան ասպարիզում:
Համիդիէի ստեղծումէն իվեր քրդերի աւազակութիւնը
իր գերագոյն աստիճանին հասաւ: Հասնանցիները տեսան,
թէ քաղաքական պաշտօնեաները անզօր են զիրենք դա-
տելու, զինուորական պաշտօնեաներու ալ ձեռքին տակ
չեն, այլ անջատ մի խումբ կը կազմեն իրենք իրենց
համար, անոնք ուրախացան և միացած իրենց պետերու
հետ, ինչպիսին էին Ըռզախ, Ֆատէ, Հիւսէն, Սիւլէման,
Կօլէ ևն, որոնք թէ ցեղապետներ են և թէ համիդիէի
բարձր պաշտօնեաներ, կազմեցին պաշտօնական աւազա-
կային ընկերութիւն մը:

Իրենց սկզբունքն էր՝ պետերէն մէկուն ձեռքին տակ
խուլամ (ծառայ) նկատուիլ. գնալ խմբովին հոս կամ հոն
կողոպուտ վերցնելու և բերածը հաւասարապէս բաժնել
իրենց մէջ, բաժին մըն ալ պետին հանելով:

Յաջող կ'երթար աւազակներու այս ընկերութիւն-
ներու գործերը:

Խեղճ հայերուն, որոնց եզներ, կովեր, ձիեր, գո-
մէշներ ու մատակները կողոպուտած էին, կառավարու-
թիւնը կը պատասխանէր. «մենք չենք կրնար համիդիէ
դատել, անոնց մուշուրը Երզնկա կը նստի, հոն դիմեցէք»:
Ի՞նչ կրնար ընել աղքատ հայը. մինչև Երզնկա երթալ
և 9 առ 10 դատարկ ետ գալ, ահագին ծախքերով միասին,
անկարելի էր: Կը մնար համակերպիլ եղածին ու նստիլ
իր տունը, սպասելով յաջորդ կողոպուտին:

Օրէօր կը զօրանային աւազակային միութիւնները և
կըսպառնային իսպառ ջնջել հայ գիւղացիի կարողութիւնը:

Սակայն յանկարծ լուր կը հասնի թէ դեսպանները
Կ. Պօլսի մէջ ժողով գումարած են մակեդոնական խնդրի
առթիւ, և թէ հաւանականութիւն կայ, թէ հայկական
հարցն ալ հոն ծեծւի, քանի որ երկու հարցերը ան-
բաժանելի քոյրեր են: Միևնորն ժամանակ Բարձրագոյն
Դռնէն հրաման մը կուգայ՝ «հասնանցիները նեղեցէք,
տարած աւարներէն մի մաս ետ առէք, տէք տէրերուն»:
Սակայն կառավարութիւնը իր դարաւոր ինթրիգը հոս
ալ բանեցուց: Լուր ղրկեց բոլոր այն քրդերուն, որոնցմէ
ալ հասնանցիները աւար բերած էին, որ գան իրենց

տաւարները և ապրանքները տանեն: Քրդերը շահեցան:
Հապա հայը: Անոր մասին խօսք չկայ: Տարիէ մը իվեր է
որ Մշոյ դաշտի իրիզակցիք ու Ախլաթի արհորցիք կա-
ռավարութեան բողոքած են հասնանցի աւազակներուն
դէմ, ասոնց հետ շատ մը ուրիշ գիւղեր ալ մէկ-երկու
տարիէ իվեր նոյնը ըրած են, սակայն ոչ մի հրաւի-
րագիր չեկաւ ասոնց:

Մինչ հասնանցիները կառավարական ճնշումը կը կրեն,
իրենց տարած աւարները ետ տալու կըստիպուին, անդին՝
Ալճաւազի գաւառին մէջ՝ ուրիշ գոյնի երեւոյթ տեղի
կ'ունենայ:

Հայտարանցի Քօռ Հիւսէն, որ համիդիէի հաստատ-
ւելէն իվեր փաշայութեան բարձրացած է, չգիտեմ՝ իր
ո՞ր արժանիքին համար, այժմ սկսած է այն կողմի
հայութիւնը ճնշել:

Վերջերս եկեր է Կոճերի գիւղին մէջ քէօշք շինել
կ'ուզէ, իր բնակութիւնը հոն հաստատելու համար:

Կոճերցիները կը հաւաքեն կերթան իր քով, կը խնդրեն
որ ետ կենայ իր այդ մաքէն: Պարզապէս կը խօսին իրեն,
թէ ինք փաշայ մը ըլլալով՝ իր քով հազարաւորներ
կուգան կերթան և այդպիսով գիւղը ծանր ծախքերու
տակ մտնելով կ'աւրւի, նիւթապէս կը փճանայ և որ չեն
կրնար իր քով եկող գնացողներու ծախքին տակ մտնել:
Հիւսէն փաշան մտիկ չ'ընեն և կըսկսի իր շէնքը շինել:

Այժմ միտք մը կայ որ գաւառի բոլոր հայերը միա-
ցած, կառավարութեան բողոքեն այդ մասին. թէ և իրենք
ալ գիտեն թէ զուր է ունէ բողոք, սակայն ճարահատի
մը վերջին ճիգն է որ պիտի թափեն այդ հայերը:

Ահա այսպէս՝ մինչ մէկ տեղը փոքր ինչ բարեկար-
գութեան նշան ցոյց կուտայ թիւրքը, միւս կողմէ ճնշ-
ւումը կը սաստկացնէ, հայը միշտ ծանր լուծի տակ պա-
հելու համար: Սակայն հասնանցիներուն զսպելը փաստ
է և ակամայ հարց կը ծագի՝ ի՞նչպէս բացատրել կառա-
վարութեան այդ քայլը:

Ըստ իս միայն մէկ մեկնութիւն մը կայ ատոր: Յայտնի է
թէ երկրաշարժէն կործանեցան Մանազկերտի և Բուլա-
նըխի շատ մը գիւղերը, այդ պատճառով ալ եւրօպացիներու
ներկայացուցիչներ՝ հիւպատոս, քննիչ ևն շատ կ'եր-
թեկեն անոնց վայրերը: Կառավարութիւնը երկու
բանէ վախցաւ՝ մէկ մը այն, թէ մի գուցէ հայերը օգտուելով
առիթմէն, խնդրագրեր ներկայացնեն օտար ներկայացու-
ցիչներուն և գրութիւնը ինքնին պարզւի ու հայկական
հարցը անգամ մըն ալ ոտքի կանգնէ. ատոր համար
ինքը ուզեց խաբուսիկ կերպով օրօրել հայերը մինչև
այդ վտանգը անցնի, մինչև եւրօպացիները քաշին:
Երկրորդ՝ վախցաւ թէ լրբացած համիդիէները, եթէ
յանկարծական զսպումի մը չ'ենթարկուին, թերևս հիւ-
պատոսներու ներկայութեանը իսկ շարունակեն իրենց
ապրուստի միջոց եղող աւազակութիւնը, կամ նոյնիսկ
այնքան յառաջ գնան, որ հիւպատոսներէն մէկն կամ
միւսը կողոպտեն ու այսպէս կենդանի ապացոյց տան
իրենց արարքներուն: Ահա այս պատճառաւ մէկ-երկու
ամսուան չափ պիտի զսպէ զանոնք կառավարութիւնը,
մինչև վերջնայ միջամտութեան վախը, մինչև տեղերին
վերագառնան հիւպատոսները, ու նորէն մեջտեղ պիտի
ելլէ «ասքի թաս, ասքի համամ», ինչպէս կ'ըսեն
թիւրքերը:

Նոր չէ այս խաղը որ թիւրք կառավարութիւնը կը
խաղայ: Բայց ամէն անգամ ալ յաջողած է այդ խաղով

ժամանակակից կերպով քննարկել հայերը և խաբել եւրոպացիները:

Տեսնենք այս անգամը ինչ հետեանք կունենայ տաճիկ քաղաքագետների խաղը:

Ն Ա Մ Ա Կ Ն Ե Ր Խ Ա Ր Բ Ե Ր Դ Ե Ն

I

10 նոյեմբեր, 1903

Վերջին մի քանի ամսւայ մէջ եղած ձերբակալութիւններն ու հալածանքները Խարբերդի մէջ մօտալուտ խոշոր տագնապի մը նախակարգապետը կարելի է նկատել: Յիշենք միայն քանի մը դէպքեր:

Մայիս 30-ին կիրակի օրը, Մեզրէի մէջ արապկիրցի շուրճի երիտասարդի մը տունը կը խուզարկեն և մէկ քանի հրացան կը գտնեն: Անբեկակայելի չարչարանքների ենթարկելէ վերջ՝ պատուհանէն վար կը ձգեն, իբր թէ արդարանալու համար փախչելու պահուն ինկած և վնասուած ըլլայ: Վատերը իրենց սովորութեան համաձայն՝ բռնաբարած և անտանելի դրութեան մէջ ձգած են երիտասարդի կինը: Երիտասարդը ամերիկեան քաղաքացի ըլլալ կը կարծւի՝ հիւպատոսին միջամտութեան պատճառով:

Յունիսի 14-16-ը սարսափի օրեր էին, որ եկան վրդովելու խարբերդցու կարծեցեալ հանգիստը: Աչքի զարնող ուսուցիչներ կը ձերբակալին, առանց հարց ու փորձի, և հայերի տունները առհասարակ խուզարկութեան կ'ենթարկին: Խարբերդը ամբողջովին վտանգուած կարելի է նկատել:

Լուր առնելով իբր Տէրսի մէջ յեղափոխականներ ապստաններ են, կառավարութիւնը հրամայեց Խօզաթի և Չմշկածագի զօրքին՝ հետամուտ լինել խռովարարներին ձերբակալելու համար: Զօրքը կռիւ կ'ունենայ և պզտիկ վնասով (3 հոգի վիրաւոր) կը վերադառնայ: Կառավարութիւնը կասկածելով թէ ժողովուրդը հացի նպաստ կուտայ յեղափոխականներին, որոշած է, որ իւրաքանչիւրը 6 չափէն աւելի ցորեն չստանայ. հակառակ պարագային՝ օրինազանցները 6 ամիս բանտարկութեան կը դատապարտուին:

Քանի որ կառավարութիւնը արտասովոր խստութեամբ կը հալածէ ու կը հարստահարէ ժողովուրդը, հայ երիտասարդութիւնն ալ գիտէ որոշ չափով վրէժխնդիր լինել այս անիրաւութեանց: Արձանագրեմ մի դէպք, որ տեղի ունեցաւ յուլիս 20-ին Խարբերդի Իլմէ գիւղին մէջ: Երեք հայեր ատրճանակով կը սպաննեն այդ գիւղին մէջ գտնուող Սատրգ անուն մի ճէնտարմ, և նոյն գիւղացի Իսմայիլ անուն մի կատրած թիւրք: Կ'ըսուի թէ սպանութեան մասնակցող 2 հայերը բռնուած են Սարսըրի գիւղի մի տան մէջ:

Կառավարութիւնը դեռ ևս կը շարունակէ իր հալածանքները. ձերբակալածներու թիւը 100-էն կ'անցնի:

Եւրոպական թերթերը հաղորդեցին, որ ամերիկական, գերմանական եւ անգլիական հիւպատոսների ներկայացրած ըողոքի վրայ՝ Խարբերդի կուսակալը հրաժարեցրուած է:

II

Մ. . . գիւղ ³/₁₆ նոյեմբեր, 1903

Այս տարի դժբախտութիւնները շղթաշար կուգան մեր վրայ: Ծանօթ բանտարկութիւնները կը խորհրդաւ թէ

ամէն տեղ լսեցան: Քաղաքիս երեւելիներէն 40-ի չափ անտեղի զոգարտութիւններով բանտը կը գանձին: Սեղրակ Սէմէրճեան անուն երիտասարդը այնչափ ծեծած էին, որ մարած ինկած էր բանտին մէջ, յետոյ բռնած վար նետած էին երրորդ յարկի բարձրութենէն, որպէս թէ փախել ուզած ու ինկած է: Պրօֆ. Թէնէքէճեանը 5 օր քնհատ թողուցած էին որ խելքը կորսնցուց ամիսի մը չափ:

Բայց ասոնցմէ աւելի ցաւալի դէպք մը պատահեցաւ անցեալ օր. մէզրեցի Պօղոս Չուլֆայեան անուն ազնիւ ու եռանդուն երիտասարդը երբ կը լսէ բանտարկեալներու այդ դառն տանջանքը, կերթայ տեսնելու զանոնք և քիչ մը յոյս ներշնչելու իր համոզիչ ու քաղցր խօսքերով: Սակայն բանտին պահապան ոստիկանները զինքը կ'անարգեն ու հայհոյութիւններով ետ կը դարձնեն բանտին դռնէն ըսելով. «իշտէն չէքէր օնլարի կէօմէկ սէ, տուր սէնի տէ եանլարնէ կէթիբիդ» (եթէ կը փափագիս զանոնք տեսնել, մօտ ատենէն քեզ ալ անոնց քով կը բերենք): Անձնէր և քաջ երիտասարդը խոցուած սրտով և արդար վրէժխնդրութեան ոգով գինովցած ետ կը դառնար: Ծամբուն վրայ կը հանդիպի թիւրքի մը որ հայու մը հայհոյելով պատակել կըսէր. «Երիտասարդը այս բանին չհանդուրժելով, վրայ կը հասնի կատաղութեամբ և խեղդամահ կ'ընէ թիւրքը, որ կ'իյնայ կը սատկի. սակայն անդիէն ուրիշ թիւրք մը վրայ հասնելով, դաշոյնը կը կոխէ երիտասարդի կուրծքը, որ գետին կ'իյնայ և կը մեռնի:

Հանգուցեալ Պօղոս Չուլֆայեան ծնած է Մեզրէ քաղաքը, իր նախնական ուսումը առած է Մեզրէի լատինացոց դպրոցը, յետոյ մտած է Խարբերդի եփրատ գօլէճը, բայց հօրը աղքատութեան պատճառաւ հոն չի կրցաւ իր դասընթացքը աւարտել, և ստիպեցաւ իրենց օրապահիկը ճարելու համար արհեստի երթալ: Սպաննեցաւ 25 տարեկան ծաղիկ հասակին մէջ: Թէ և չար ձեռք մը բաժնեց զայն մեզնէ, բայց իր յիշատակը միշտ կենդանի է մեր սրտերուն մէջ: Հանգիստ անձնէրի մատղաշ ուկորներուն:

Ն Ա Մ Ա Կ Տ Ի Վ Ի Կ Ե Ն

4 հոկտեմբեր, 1903

Իրաւ է որ շատ դառն ու ցաւալի է միշտ տխուր լուրեր հաղորդել բայց ինչ ըրած որ միթաբական ոչ մի բան ունինք: Հայ գիւղացուն կեանքը տառապանքներու ու զրկանքներու ծով մըն է, զոր նկարագրելու ամենակարող գրիչներն ալ անկարող են: Խեղճ գիւղացին ամբողջ տարի մը աշխատելով հազար և մէկ նեղութեամբ կալ մը երեւան կը բերէ (արդէն բնութիւնն ալ այս տարի կարծես երես դարձուցած էր զրկելով իր կարկուտը, որ փճացուցած էր բերքերու երեք քառորդը) ու ահա պահանջատէր վաշխառուն իբր հոգեհան Ազրայէլ տնկած է կալին գլուխը: Թշառ գիւղացին ստիպւած է սարսուղագեցիկ տոկոսներով մուրհակը նորոգել, որպէս զի գէթ ցամաք հաց ուտելու չափ հացահատիկ տանի իր տնակը: Չմբան խիստ ու ամուլ եղանակին մէջ զինք և իրենները ապրեցնելու արդէն անբաւական պաշարը դեռ իր տեղը չպարպած, վրայ կը հասնի թահսիտարը. տեսարանը սրտաճմլիկ է. մերկ

ու բոլորի գիւղացիին բերնին պատան է որ կը քաշեն ամենայն սառնասրտութեամբ և անգթութեամբ: Ոմանք մինչև իսկ մարագներուն մէջ կ'ուզեն պահել բայց թիւրք թահսիտարն ու զապիէն շան հոտառութիւն ունին, ամէն մի անկին, ծակ ու ծուկ կը պրպտեն և գտածնին կը գրաւեն՝ ինչպէս ցորեն, գարի, քուշնա, ոսպ, բակլա, անկողին և մինչև իսկ գիւղացւոյն չափելու գործիքը թիմիւ կ'ուզեն, առանց երբեք խղճահարեւելու, թէ իրենց ետեւ գիւղացիին ոչինչ ձգեցին իբր սերմնացու ու օրապարէն, մինչդեռ ստիպած էին, ըստ թրքական օրէնքի, անոնց չդպչելու: Կը գտնուին երբեմն բողոքողներ, բայց ո՞վ է լսողը և թիւրք անյատակ գանձին պաշտօնեաները խեղճ գիւղացին բառին բուն նշանակութեամբ կը շինեն կոլիկ:

Այս յուսահատ կացութեան թրքատուր պարգևը չէր բաւեր, ու ահա կայծակի պէս նոր տուրքեր կը հասնին շարած գիւղացին շանթահարելու: Ապրուստի միջոց մէյմէկ հատ էշ ու եզ ունեցողներ ինչո՞ւ տուրք չի պիտի տային բարեխնամ կառավարութեան, որուն անքթիթ հսկողութեան պարտական են իրենց ստացածքին պահպանութիւնը, բայց բարեխնամ (՝) կառավարութիւնը իր հսկողութեան նոր տուրքով ալ չի բաւակաշանար և սովամահ ու չարաչար սպաննել կ'ուզէ իր սիրելի հպատակները: Անցեալները պատահմամբ Օտուռ գիւղը կը գտնուէի, ականատես եղայ, թէ ինչպէս մի քանի հարկահաւաք թիւրք պաշտօնեաներ հոն ժողոված՝ հին հաշիւներ կը պրպտէին: Հետեանքը դժւար չէր նախատեսել և սպասածն իրականացաւ: Հաշիւներու քննութենէն հասկցած էր մեծ բաց մը կայ եղեր, ուրեմն այս բացն ալ պէտք է գիւղացւոց վրայ բարդել: Եւ ահա անմիջապէս բարդելու տխուր արարողութիւնը կատարեցաւ և օրինակ 100 զուրուշ պարտքին տակ տնքող գիւղացիին պարտքը բարձրացաւ 4-500 զուրուշի, որոնց գանձումը, ո՞վ գիտէ, ինչ նոր արհաւիրքներ պիտի թափէ լեղապատառ գիւղացւոյն գլխուն: Անկարագրելի վիշտ ու թախիծներով խորագրոյժած գիւղական կնճռոտ գէմքեր կը քշէին իմ աչքիս առջևէն և ես գլխիկոր կը հեռանամ, անիծելով հայութեան մշտապէս սև բախտը:

Խ Ա Ն Ա Ս Օ Ր Ի Կ Ո Ի Ի Ն

(Թարգմանութիւն քրդերենից)

Խանասորի դաշտում, աղբիւրի ափերին
Հայ ֆէդայիներ արշալոյսին բանակ են դրել:
Կեակէ Հասան պէյը ¹⁾ կանչում է. «Ե՛յ, համդիէներ,
Էդ ֆէդայիները մեր քեօք ու օճախը կը հանեն»:

Խանասորի դաշտն է փշոտ,
Կեակէ Հասան պէյի կօնին (վրան) հազար ու եօթ
հարիւր հայ ֆէդայ են եկել,
Բռնել են Կեակէ Հասան պէյի կօնը կարաուլով ու
ջասուզով:
Կեակէ Հասան պէյը կանչում է՝ «Անպատւաբեր մի
կռիւ է էս»:

1) Քիւրդ ցեղապետի անուն:

Էրւած Խանասորի դաշտը դեղին քար է,
Հայ ֆէդայու մուգիկայի երգ ու ձայնն է.
Շարաֆ պէյին եօթ տարւայ դողն է բռնել ու փախչում է
Մինչև Զաֆար-աղի կօնը՝ մօտը զէնք չի մնում:

Նախշուն Բաշգալէն հեռագրել է Ստամպուլ,
Նախշուն Խանասորի դաշտում իսլամի որդին ընկել
է զուլուղ
Հայ ֆէդայու ձեռքից, անձնատուր են լինում, բախթից
բախտն են խնդրում.
Տէրութեան զօրքը Երզնկայում ծանր է նստում:

Խանասորի դաշտը եղբգնոտ է,
Կեարաղանայ ¹⁾ եղբգնուտը տղմոտ է.
Աւդալէ Օրդիկազին ²⁾ կանչում է. «Հայ ֆէդա,
Ես հայ եմ. ձեր խաչը պագնեմ, ինձ մի սպանէք, ես
հայ եմ»:

Էրւած Յառափուլ մառախուղով է,
Առաւօտ Սըսանայ գլխին հայ ֆէդայու Մաւիզարի
գժկժոցն է.
Աղաներին ու կտրիճներին են սպանում,
Աշխարհի ու երկրի վրայ իրենց մեծ նամուսն են պահում:

Խանասորի դաշտը մի զառիվայր տեղ է,
Ֆէդայի վարդանի պեխեր մետաքսի հատահատ
թել է.
Կանչում է. «Ե՛յ, համդիէներ, ձեր հօր քիթը անիծեմ.
Սըսանայ գլխի առաւօտեան կռիւը եկել է ձեր ըն-
տանիքի առջև. ի՞նչ նամուսով մի կռիւ էս...»

Կռիւ տեղը Էրւած Խանասորի դաշտն է՝ սառ ջրերով,
Ֆէդայի Նիկօլի ծխափայտը շերտզէ բեահրուբարի
ձեւն է.
Կանչում է. «Ե՛յ, եղբայրներ, ձեռք ձեռքի աւէք,
«Մենք էդ համդիէների քեօքը կտրենք աշխարհի ու
երկրի երեսից»:

Ախպէրն է կանչում. «Փոխան եղբայր, սկսի՛ր».
Ախպէրն է ասում. «Դարմօ եղբայր, սկսի՛ր,
«Մենք համդիէների քեօքը կտրենք աշխարհի ու
երկրի վրայից,
«Թող իմանան, որ մենք նախնիքների հոգին ունինք»:

«Աղջիկ համդիէներ, սև փոշին ձեր գլխին ածէք.
«Մենք մի քաջութիւն ենք անում,
«Թող Հայ ֆէդայու ձայնը գնայ Ստամպուլի դուռ
«Ու իսլամի որդին իրեն համար բախթի բախտը ուզի»:

Բ Ո Ղ Ա Չ Ք Ե Ա Ս Ա Ն Ա Յ Կ Ո Ի Ի Ն

Սալմաստն է ծառերով.
Նիկօլ տասներկու մարդով ներքև է իջել,
Երեք վաշտ համդիէ առաջն են բռնել
Մալա Նաբիի փաշան երկու գնդակով է վերաւորել:

Էրւած Սարան է քեարէզներով.
Համդիէ ձիաւոր-ոտաւոր ընկել են իրար.
«Երեսուն աշիրաթ, ձեր հօր բերան անիծած, ձեզ
հետ սպանութիւն չեմ անում
«Այդ չորս տուն քրիստոնեաների համար»:

1) Տեղի անուն, 2) Քիւրդ ցեղապետ:

Էրևած Բողազքեասան՝ ջուր ու աղբիւրով:
Հայ Նիկօլը Նադանի բեռնաւոր մեծ որդուն տւաւ:
Նիկօլը կանչում է, ասում է. «Մինաս, Խաչատուր,
Ֆելեդօ, ձեռք վերցրէք, մեզ օգնող չկայ:
Մեզ օգնող միայն լոյս Քրիստոսն է մնացել:

«Էրևած Բողազքեասան է սէզով,
«Համիդիէների գնդակ ու վառօդ մեզ վրայ է վզվզում:
«Շաւէշ ու Ջնդին ես սպանեմ՝
«Ազիզ Ապրիկայ փոխարէն»:

ՅԱՊԱՂՈՒՄ 6 ՖԵԴԱՅԻՆԵՐԻ ԿՈՒԻՆ

Խաչանայ դաշտ տափակ դաշտ է,
Երեք վաշտ համիդիէ վեց տղայի վրայ են հաւաքել:
Օհանէսը կանչում է. «Սենօ, սկսէք»:
Քըրթօն ասում է. «Օհանէս, ձեռքդ բեզ պահիր,
«Վախենում եմ սպանենս Շառոյի տան թողնից,
«Դրա համար Խաչանայ հայերին ջնջեն արմատից»:

Խաչանայ դաշտ մեզ ու մառախուղ է.
Քսանուվեց համիդիէ գիւղեր վեց տղայի վրայ են
հաւաքել:

Օհանէսը կանչում է. «Սենօ, սկսէք,
«Ախր վերջին տեղներս Պարսկաստան է»:

Խաչանի դաշտը գեղեցիկ է.
Օհանէսի ձեռքի վրայ մազկերը փայլում է.
Մինասը կանչում է. «Օհանէս, արի՛, մի գնա՛,
«Չմրան կռիւն աննամուս է»:

Կայմաղայ եղբնոսն է խոտերով.
Հայդարանցու զօրքը ծանր արմատ է գցել,
Օհանէսը ասում է. «Սենօ, ղուրբան, խփիր,
«Էս օրը մարդու և կտրիճի օր է»:
Սիմօնը կանչում է, ասում է. «Օհանէս, ղուրբան՝,
«Մեր ընկերները սառել են, ձեռքները չի բռնում
մազկերի թաթիկը»:

Էրևած Բաղիտաղն է թափիաներով (ամրոց).
Անուշ է գալիս մազկերի շըրըխկոց ու ախալիի ձայնի
ընդգոռնոց:
Օհանէսը կանչում է. «Դաուէշէ Օզման, քո հօր
բերան անիծեմ,
«Երանի գարունը լինէր ու ձեռքերս չսառէին,
«Քեզ էլ պիտի կտրէի, դամանցիների քեօքն էլ¹⁾»:

1) Քիւրդերը իրենց շատ երգերի ոտքերը յարմարեցնում են
երգած ժամանակ, հտեւից լէ, լէ, լօ, լօ, հէ, լէ եւն՝ կցելով:
Բացի դրանից իւրաքանչիւր երգող իր ուզածի նման կարծա-
ցնում ու երկարացնում է ոտքերը:

ԿԱՐՍԻ ԴԻՆԱՄԻՏԱՅԻՆ ՊԱՅԹՈՒՄԸ

Հ Ի Ն Գ Զ Ո Հ Ե Ր

Օգոստոսի 29-ն էր: Ժամը 5-ին ամբողջ Կարսի հա-
սարակութիւնը, կայծակնահարի պէս, վազում էր դէպի
Կոնյի թաղի վերջին ծայրում գտնուող Վարդան Տօնոյ-
եանցի բնակարանը, ուր դինամիտային պայթուի զոհ
էին գնացել հինգ յեղափոխականներ:

Տեսարանը սոսկալի էր. հինգ երիտասարդ դիակներ,
բոլորովին այլանդակաւ՝ պառկեցրած էին մերկ գետնի
վրայ:

Այն զգայուն սրտերը, որ մի ժամ առաջ այրում
էին մայր-հայրենիքի ազատ լեռների վրայ թափառելու
բուռն տենչանքով՝ դադարել էին բաբախելուց: Այն
բազուկները, որ հրացանի համար էին վարժաւոր, ընկած
էին արիւնաթաթախ, այս ու այն կողմ: Սենեակը, ուր
հինգ նահատակները ուրախ ու զւարթ ունեւոր էին
լեցնում, դեռ ևս ծխում էր և տպաւորութիւնը աւելի
ևս կսկծալի դարձնում. պահպանների մի շղթայ շրջա-
պատել էր անտէր դիակները:

Ժողովուրդը խռնւած էր և յուզւած, անկարող բա-
ցատրելու այդ օտարօտի տեսարանը, նրա իմաստը:
Ոստիկանութիւնը ամբողջ Կովկասը դղողացրեց հեռա-
գիրներով: Չգիտէին՝ կապե՞լ արդեօք դէպքը կատարող
ցոյցերի հետ. թէ տաճկահայերի ազատական շարժման
հետ, գուցէ հէնց այդ պատճառով էր, որ ոստիկանու-
թիւնը չորս օր դիակները թողեց փողոցում, մինչև որ
Թիֆլիսից եկան յատուկ քննիչներ՝ դիակները տեսնելու
և գործը քննելու համար:

Հայ ժողովուրդը շատ լաւ գիտէր, թէ ովքեր էին
զոհերը: Ամբողջ չորս օր քաղաքը սգի մէջ էր: Շատերը
խուլ հեկեկում էին: Անկեղծ ցաւ էին զգում ամէնքը,
առանց դասակարգի և հասակի խտրութեան, բացի մի
խումբ «ինտելիգենտ» սրիկաներից, որոնք այդ ընդհանուր
սգի միջոցին շարունակում էին իրենց քէֆերը...

Դէպքի չորրորդ օրը հազիւ աղողեց առնել ոստի-
կանութեան ձեռքից Վարդան Տօնոյեանի դիակը՝ թա-
ղելու համար: Միւս չորս օտարականների դիակները
ոստիկանութիւնը թող չտուեց եկեղեցում դնել, այլ ինքը
ուղարկելով նրանց գերեզմանատուն, հրաւիրեց հայ քա-
հանային թաղման հանդէս կատարելու:

Յուզիչ էր այդ թաղումը: Միեկեքալ Վարդանի պսակ-
ներով զարդարւած դագաղը մինչև գերեզմանատուն
(3-4 վերստ) ամբողջ ժամանակ տարաւ ժողովուրդը:
Վեց-եօթ ոստիկանների, 2-3 ժանդարմների և մի
պաշտօնեայի ներկայութիւնը չկարողացաւ արգելել, որ
փոխանակ եկեղեցական երգերի և սաղմոսների՝ «Մեր
հայրենիք»-ը առաջնորդէր վաղաժեռ Վարդանին դէպի
յաւիտենականութիւն: Երբ սգահանդէսը յօտենում էր
գերեզմանատան, միւս 4 դիակները շրջապատւած էին
30 ձիաւորներով, որոնց առաջնորդում էին 3 ժանդարմ-
ներ: Բազմութիւնը աւելի ևս յուզեց այդ անսովոր
տեսարանից:

Հինգ մատաղ կեանքեր իրար կողքի թաղելուց, մի
«եղբայրական» խոստում անելուց յետոյ ժողովուրդը
վերադարձաւ քաղաք և խաղաղ ցրւեց, լլւաւ բուռն
ցասմամբ դէպի կառավարութիւնը, որ անշունչ դիակ-
ներին իսկ հանգիստ չի թողնում:

Կարսի գերեզմանատան մի խուլ անկիւնում սառը հողի
տակ ընդմիջտ ծածկւեցին հինգ անձներ ընկերներ, որոնք
ամէն ինչ մոռացած, գիշեր-ցերեկ պատրաստուում էին
ապագայ «գարնան կարմիր օրերի» համար:

«Պատահականութեան» չարաշուք Աստուածը խորտա-
կեց նրանց վառ երազները. ճնշւածներին պաշտպանելու
ու թշնամու գլխին ունեւոր ու հրացան պայթեցնելու տեղ,
նրանք իրենք զոհ գնացին իրենց ձեռքով պատրաստ-
ւած նիւթերին:

Ոչնչացան հինգ երիտասարդ կեանքեր, յեղափոխութեան ներկած թանկագին ընկերներ: Բայց մի՞թէ կ'ոչնչանան և նրանց վառ յոյսերը, մի՞թէ մոռացութեան կը տուին նրանց ասածները, նրանց թանկագին յիշատակը...
Ներքև բերում ենք կարճ կենսագրական տեղեկութիւններ իրենց մուրագներին չհասած այդ զոհերի մասին:

Վ Ա Ր Դ Ա Ն Տ Օ Ն Ո Յ Ե Ա Ն Յ. — Գիւղական ընտանիքի զաւակ էր Վարդանը: Դեռ մանկութիւնից իր վրայ զգացել էր թշուառութեան, աղքատութեան բոլոր ծանրութիւնը և դարձել էր զգայուն դէպի թշուառ, դէպի ճնշւածը: Տասնեութ տարեկան հասակում կիսատ թողնելով Կարսի քաղաքային դպրոցի դասընթացը, դուրս է գալիս նա և մտնում ծառայութեան՝ իր բազմաշաբաթ ընտանիքը տնտեսական քայքայումից ազատելու համար. այնուամենայնիւ Վարդանը չի մոռանում իր կրթութիւնը և շարունակում է ինքնակրթութեամբ լրացնել ուսման պակասը. առանձնապէս զբաղւում է մայրենի գրականութեամբ: Համեստ և շիտակ բնավորութեամբ նա սիրելի ու համակրելի դարձաւ բոլոր շրջաններում: Վաղում էր ամէն տեղ, անում էր ամէն ինչ, միայն թէ արած լինէր ուէ բան: 1902 թւին մտնելով Հ. Յ. Դաշնակցութեան խմբերի մէջ, ընտրւում է քաղաքի ղեկավարող մարմնի անդամ և այդ օրւանից օրէցօր աւելի և աւելի եռանդով գործում յեղափոխական ասպարիզում և սիրելի դառնում բոլոր խմբերին: 24-րդ մի յանդուգն, վտանգաւոր յեղափոխական գործ, որին մասնակցելու ջերմ պատրաստականութիւն չյայտնէր և եռանդով չկպէր ու գլուխ չբերէր այն: Այսպիսի մի վտանգաւոր գործի էլ զոհ գնաց մեր սիրելի Վարդանը, թողնելով մի մեծ ու համակրելի ընտանիք առանց ապրուստի միջոցների:

Պ Օ Ղ Ո Ս Պ Օ Ղ Ո Ս Ե Ա Ն (Լեռնիկ). — Մի կարճահասակ, վառվռուն աչքերով մատաղ երիտասարդ էր Լեռնիկը: Թողնելով արտասահմանեան համալսարանները, յափշտակած հայրենասիրական գաղափարներով, նա թափառում էր Կարսի շրջանի հայ գիւղերը, քարոզում ու խրախուսում էր հայ ժողովրդին Ափսներով գիւղի օգններում, իր շուրջը հաւաքելով խաւարի մէջ թաւալւող ամբոխը, ոգևորում էր նրանց հայ քաջերի պատմութեամբ և կազմակերպում համակրողներից օժանդակ ու գործող խմբակներ:

Թէ քաղաքում և թէ գիւղերում բոլորը սիրում էին Լեռնիկին, դիմում էին նրան իրենց ներքին երկպառակութիւնները վերջացնելու համար: Նա Հ. Յ. Դաշնակցութեան տեղական կոմիտէի շրջիկ քարոզիչն էր և ամենայն անկեղծութեամբ ու բուռն ոգևորութեամբ տանում էր իր ստանձնած գործը: Վերջին զինատար խմբերի հետ մայր-հայրենիք գնալու պատրաստութիւն էր տեսնում նա, բայց ահա կէս ճանապարհին զոհ գնաց անսպասելի փորձանքին...

Ինքը Օգէսայում վերաբնակւած տրապիզոնցի տաճկահայ էր, 23 տարեկան: Երեւանի թեմական դպրոցը վերջացնելով՝ նա անցել էր արտասահման ուսումը շարունակելու դիտաւորութեամբ: Մի քանի տարի Ենայի համալսարանում լսելուց յետոյ վերադառնում է Կովկաս, և չ'անսալով ծերունի մօր խրատներին, որոշում է ներկել յեղափոխական գործին: Վեց ամսի չափ շրջիկի պաշտօնը կատարեց նա ամենամեծ հմտութեամբ և բարեխղճութեամբ: Ապագայի համար նա տալիս էր աւելի

մեծ յոյսեր, բայց բոլորը տարաւ հետը սառը գերեզման...

Ի Ս Ա Ջ Ա Ն Ա Ռ Ա Ք Ե Լ Ե Ա Ն Յ. — 2-րդ մտերիմ ընկերներ էին, դեռ Շուշու թեմական դպրոցի աշակերտական սեղանի վրայ, երբ ուխտ արին, երգեցին նրանք ներկել յեղափոխութեան, անցնել ցաւերի և տանջանքների աշխարհը, զբաղւել հարազատների ազատութեան գործով: Ուխտեցին և կատարեցին: Երկուսը նրանցից (Մենակ և Թորգոմ) արդէն երկրումն են, երրորդը (Նժդէհ) օգնութիւն է հասցնում ընկերներին, չորրորդը հէնց ինքն էր, որ պատրաստուում էր երկրորդ անգամ երկիր մտնել, բայց ճակատագիրը այլ կերպ տնօրինեց:

Հաստատակամ, ամուր բնավորութեամբ, անկեղծ յեղափոխական էր Իսաջանը. թեմական դպրոցը աւարտելուց յետոյ, իր ընկերների հետ կամաւոր զինւորական ծառայութեան մտաւ, ապագայ գործունէութեան համար այդ կողմից էլ պատրաստ լինելու համար: Աւարտեց, պահեստի սպայի պաշտօն ստացաւ և թողնելով ծառայութիւնը, եկաւ Բագու, մի քիչ էլ կեանքի մէջ փորձառութիւն ձեռք բերելու համար, որպէս զի անցնի երկիր զինւած ամէն կողմից:

Կարճ ժամանակում Իսաջանը դարձաւ Բագուի աշակերտական խմբերի սիրելին, իր ոգեշունչ ու կրակոտ ճառերի և անկեղծ գործունէութեան շնորհիւ: Աշակերտական խմբերի հետ մի տարուց աւելի հայ գրականութեամբ ու պատմութեամբ պարապելուց և ազգային ոգի ներշնչելուց յետոյ, Իսաջանը 1903 թւի ապրիլ ամսին իր ընկեր Նժդէհի հետ անցաւ Բասեն մի պատասխանատու ձեռնարկութեան աջողութիւնը ապահովելու համար: Երկու ամսի չափ Բասենի գիւղերում քարոզելուց յետոյ, իր ընկերով հետ նա նորից վերադարձաւ Ռուսաստան, մի ուրիշ ձեռնարկութեան գլուխ անցնելու նպատակով: Բայց... ընկերը բռնեց, իսկ ինքը... զոհ գնաց սոսկալի պատահարին: Կտրեց այն կեանքը, որ այնքան արդէն բեղմնաւոր եղաւ կարճ ժամանակամիջոցում:

Յ Ո Վ Հ Ա Ն Ն Ե Ս Ն Ա Հ Ի Կ Ե Ա Ն. — Ծնւել է 1878 թւին, Խարբերդի Հիւսէյնիկ գիւղում: Ընտանիքի անդրանիկն էր Յովհաննէսը. գիւղի մէջ նախնական կրթութիւն ստանալուց յետոյ՝ ծնողները նրան ղրկում են Խարբերդի միսիոնարական դպրոցը: 2-րդ տարի մնում է նա այնտեղ և 1894-ին ձգում դպրոցը: Քիչ յետոյ թողնում է և Խարբերդը, մեկնում է Պօլիս, այնտեղից Ամերիկա: Այդտեղ նա սկսում է աշխատել գործարանի մէջ, օգնելու համար իր չքաւոր ծնողներին:

Ծանր աշխատանքի միջոցին չեն խեղդւում նրա մէջ մտաւոր ու բարոյական բարձր պահանջները: Ազատ ժամերին նա յաճախում է ամերիկեան կիրակնօրեայ բարձր դպրանոցը: Հայրենիքի կացութիւնը նա մի վայրկեան անգամ աչքից չի թողնում: 1897-ին Նահիկեան ուրիշ երեք ընկերների հետ, ինքնաբերաբար կազմում է դաշնակցական մի կոմիտէ, որ և միանում է Ամերիկայի միւս դաշնակցական կոմիտէների հետ: Նախանձախնդիր իր կոմիտէի պատւին ու առաջադիմութեան՝ նա ջանք չ'ինայեց նրա շրջանը լայնացնելու: 1901-ից նա նետուեց աւելի ընդարձակ պրօպագանդի շրջան, սկսեց քարոզել հրապարակական ժողովներում:

Ծնողների և մի կարգ բարեկամների յորդորները — որով կ'ուզէին յետ բերել նահիկեանին վտանգաւոր

ճանապարհից—ապարդիւն անցան: Նահիկեան միշտ մնաց աննկուն և աւելի ևս եռանդով փարեց գործին: Նա ուխտել էր միանգամ ընդ միշտ հաւատարիմ մնալ սիրած գաղափարին ու սկզբունքներին:

Եւ ահա 1903-ի յուլիսի 9-ին ձգեց Ամերիկան՝ հայրենիք ուղեւորելու հաստատուն որոշումով: Վառ յոյսերով անցաւ Լոնդոն, այնտեղից Պարիզ, Ժընէվ, Թիֆլիս, Կարս... ուսկից կազմակերպութեան խմբերի հետ պիտի անցնէր ներս... Բախտը, սակայն, արգելք եղաւ դրան... Դինամիտը ոչնչացրեց այդ թանկագին կեանքը, ոչնչացնելով նրա հետ և այն զինւորական փորձառութիւնները, որ նահիկեան ձեռք էր բերել մօտ երկու տարւայ ընթացքում Բանքրտի միլիցիայի մէջ իր արած վարժութեամբ...

Ռօդոստօցի ՍԱՐԳՍԻ մասին՝ յաջորդ համարում:

ՊԻՐԱՍՏԱՆ-ԲԵԻ ԱԶԳԱՅԻՆ ԻՆՔԵՆԱՎԱՐՈՒԹԵԱՆ ՀԱՐՅԸ ԿՈՎԿԱՍՈՒՄ

(Շարունակութիւն N° 9-ի)

Ազգային ինքնավարութիւն ձեռք բերելը Ռուսաստանում—ասում էինք մենք անցեալ համարում—կախած է գլխաւորապէս իրենց՝ փոքրիկ ազգութիւնների դիմացկանութիւնից, համերաշխութիւնից և ապագայ անխուսափելի կռուում նրանց ցոյց տալիք ուժից ու կորովից:

Եւ իրաւ. ի՞նչ է սորվեցնում մեզ արիւնով ներկած այն ուղին, որով ձեռք է բերել յոյների, սերբերի և այլ փոքր ազգութիւնների ազատութիւնը կամ Զւիցերիայի, Ամերիկայի դաշնակցութիւնների կազմելը: Ի՞նչ է սորվեցնում մեզ Լեհաստանի անտառներում և Կովկասի լեռներում կատարած եղեռնագործութիւնների ու սին ջանքերի պատմութիւնը: Եւ, վերջապէս, ի՞նչ դաս պիտի առնել այն ազգայնական կատաղի պայքարից, որ մղւում է այսօր համարեայ բոլոր խառը ազգաբնակչութիւններից կազմած երկրներում: Միմիայն նախապաշարւածները կամ լոյսի առաջ աչք փակողները կարող են չխոստովանել, որ Վրաստանի կամ Կովկասի ինքնավարութեան իրականացումը ևս կը պահանջէ հերոսական ջանքեր, արեան գետեր, տոկուն աշխատանքի երկար ու ձիգ տարիներ:

Բնական հարց է ծագում այդ պարագաներում՝ հապա ի՞նչ դիրք են բռնելու վրացիք և Կովկասի ինքնավարութեան ձգտող ուրիշ տարրերը մինչև հեռու յաղթանակի ընթացք, այսինքն իրենց կեանքի այն երկարատե նօրմալ շրջանում, որը մերթ ընդ մերթ ընդհատւելու է յեղափոխական յուզումներով:

Կասկած չկայ, որ փոքրիկ ազգերի բռնելիք այդ դիրքը որոշւելու է այն «նօրմալ» դրութեամբ, որը գոյութիւն ունի Կովկասում և որի «աննօրմալ» լինելը ոչ կարելի և ոչ էլ ներելի է աչքից թողնել:

Հնորհիւ ռուս կառավարութեան ձեռք առած բացառիկ օրէնքների՝ Կովկասի բոլոր ազատ հողերը, ինչպէս և գրաւած հողերի ամենալաւ կտորները յանձնած են ռուս տարրին և այն էլ տեղացիներից անհամեմատ աւելի խոշոր բաժիններով: Ռուս գիւղերի հաղորդակցութեան, ռուգման, առողջապահութեան և ապահովութեան համար ձեռք են առնում բացառիկ միջոցներ: Բնութեան

ամէն տեսակ պատահարների, ինչպէս և համաճարակների ժամանակ, աւազակութիւնների և այլ ձեւի յանցանքների դէպքերում, առանձին խնամակալութիւն է ցոյց տրւում դէպի իշխող տարրին պատկանող ազգութիւնը:

Նոյնն է և քաղաքներում: Սկսած կառավարչապետի դիւանատնից ու «ազատամիտ» դատաստանական շրջաններից և վերջացնելով հասարակ անտառապահներով, ոստիկաններով ու նոյնիսկ գունապաններով—ամէն տեղ առաւելութիւնը տրւում է ռուսներին: Երկաթուղիների կառավարիչները մրցում են միմեանց հետ՝ հայ, վրացի բանւորների թիւը պակսեցնելու մէջ: Գործարանական վերատեսուչները չեն բաւականանում նրանով, որ շնորհիւ իրենց ազդեցութեան՝ ռուսների, հրէաների, եւրօպացիների գործարաններում չկան տեղացի ծառայողներ, նոյնիսկ բանւորներ: Նրանք ամէն ձիգ են թափում, որ սահմանափակեն հայ, թիւրք, պարսիկ բանւորների թիւը նոյնիսկ հայերի և թիւրքերի գործարաններում:

Հետեւեալը յայտնի է.

Միւսնոյն ընդունակութիւն ունեցող, միւսնոյն աշխատանքը կատարող ռուսները, շնորհիւ ռուս տարրին յատկացած մենաշնորհի ու արհեստական կերպով լայնացրած պահանջի, ստանում են աւելի բարձր պաշտօններ, աւելի բարձր վարձատրութիւն, քան իրենց կողքին աշխատող ոչ-ռուսները: Հողագործութեամբ պարապող ռուս գիւղացիք, շնորհիւ իրենց աւելի ապահով վիճակի, շնորհիւ գիւղական աշխատանքի համար ունեցած աւելի լայն միջոցների, ժամանակի ընթացքում գրաւում, վարձում, իրենց ձեռքն են գցում հարեան աղքատ տեղացիների հողերը, անասունները: Ռուս գիւղերը սովորաբար տասնեակներով հովիւներ, մշակներ են պահում թիւրք, հայ, վրացի, լեռնականներից և այդպիսով աւելի ևս հարստանում նրանց հաշուով:

Ո՞վ կարող է հաշւել այն գումարը, որը շնորհիւ բռնականակալութեան սահմանած ազգային մենաշնորհի, վերացում է ամէն մի միջին հայի, վրացու, յոյնի, լեզգիի գրպանից և փոխադրւում միջին, հովանաւորւած ռուսի գրպանը: Աւելացրէք սրան այն ծախքը, որ անում են հազարաւոր ընտանիքներ, հարկադրւած սորվեցնել երեխաներին ռուսաց լեզուն և ոչ օգտակար համարւած դէպքերում ծախսելով դրա համար ահագին գումարներ, և դուք վայրկեան անգամ չէք կասկածիլ, որ այդ կողմնակի կերպով վերցրած ու աւելորդ տեղը ծախսւած փոքր ազգութիւնների միլիոնները անհամեմատ աւելի բարձր են տէրութեանը ուղղակի կերպով վճարող տուրքերից և կարող են մրցել այն տոկոսների հետ, որ վճարում են աշխատաւոր տարրերը հարստութեան մենաշնորհ ունեցողներին:

Ռուս տարրը, ընդհանուր առմամբ—իսկ այս պարագաներում կարելի է խօսել միայն ընդհանուր առմամբ—ի հաշիւ իր հարեան մանր, ոչ արտօնեալ ազգութիւնների՝ համեմատաբար բարգաւաճում, հարստանում է տարեց տարի, անհամեմատ աւելի լաւ է սնւում, աւելի լաւ ապրում: Գտնւելով աւելի նպաստաւոր նիւթական և քաղաքական պայմանների մէջ, նա անհամեմատ աւելի լաւ է կրթւում, կուլտուրապէս աւելի արագ է զարգանում և այդպիսով հանդիսանում է իր հարեաններից աւելի ուժեղ, աւելի լաւ զինւած կեանքի կուր համար:

Տարեց-տարի մեծանում է ռուս և ոչ-ռուս տարրերի անտեսական տարբերութիւնը: Եթէ այսօր միջին ռուս

գիւղացիներ, ծառայողը 2 անգամ է հարուստ միջին հայից ու վճարողը, 10 տարուց յետոյ նա կը լինի հարուստ 3 անգամ, 50 տարուց յետոյ 5-10 անգամ աւելի:

Վոլկասում ստեղծուած է այդպիսով մի նոր քաղաքական մենաշնորհ վայելող տարր—ազգութիւն, որի կեդրեման ձեւերը տարբեր են, բայց ոչ նազ անարդար և ոչ պակաս ծանր, քան հողատէր-աղնական և արդիւնաբերող-վաճառական տարրերի կեդրեմը:

Դժբախտաբար, տնտեսական այդ ճնշումով և փոքր ազգութիւնների թշուառացումով չեն սպառուած ոռոսաց գերիշխանութեան չարիքները:

Հնորհիւ ոռոս լեզուի պարտաւորեցուցիչ գործածութեան պաշտօնական շրջաններում, շնորհիւ ոռոսերէն գիտցողներին տրուող անվերջ առաւելութիւնների ու ոռոս իշխանաւորներին տրուող տեսանելի և անտեսանելի արտօնութիւնների,— ոռոսաց լեզուն և ոռոս սովորութիւնները (որոնցից շատերը դժուար թէ կարելի լինի ցանկալի համարել) տարեց տարի գրաւում են նոր շրջաններ, ձգում են աւելի և աւելի խոր արմատներ Վոլկասում: Դրա հետ միասին աղճատում են մանր ազգութիւնների լեզուները, թուլանում, ոչնչանում են տեղական ազգային այն սովորութիւններն ու առանձնայատկութիւնները, որոնցով ոչ միայն միջոնաւոր մարդիկ դարերի ընթացքում պարել ու բաւարարութիւն են ստացել իրենց բոլոր նիւթական ու հոգեկան պահանջների համար, այլ որոնք նաև բնական զարգացման պայմանների մէջ իրենց ինքնուրոյնութեամբ գուցէ դասէին մարդկային լաւագոյն ստեղծագործութիւնների շարքում...

Հնորհիւ ազգային (ոչ-ոռոս) դպրոցների արգելման, շնորհիւ այն կապանքների, որ դրւում են մանր ազգութիւնների գրականութեան առջև, ոչ-ոռոս երեսանների ուղեղը ենթարկւում է մի անբնական փոփոխութեան, նոր ձեւի այլասեման: Հատերը, մոռանալով մայրենի լեզուն, չեն կարողանում բացատրել իրենց մանկութեան ընկեր հարեանների, իրենց ծիծ տւող մայրերի հետ անգամ:

Միջոնաւոր հայ, վճարի, թիւրք, լեզգի, պարսիկ, գիւղացի ու քաղաքացիներ մնում են խաւարի մէջ, զուր տեղը հայցելով օգնութիւն իրենց ցեղակից կըրթւած անհատներից: Բնական ընթացքով մեղքեր է վերջիններիս մէջ սերը դէպի իրենց ազգակիցները և նրանց պահանջները: Բոլոր ազգերը «հաւասար» են սորա աչքում տեսականապէս, իսկ էպպէս նա աւելի կապւած է իշխող ազգութեան հետ... Փոքր, ճնշւած ազգութիւնների միջոնաւոր անդամները իրենք կարող են հոգալ իրենց մասին, ենթակայ ամէն տեսակ նախապաշարումների, ամէն տեսակ կեղեքումների՝ աւելի աչքաբաց հարեանների կողմից...

Այդ էլ բաւական չէ. Վոլկասում տիրող նեխած մթնոլորտը գցում է նրանց և բարոյապէս, համբաւախութեան ու սիրոյ զգացմունքի տեղ ներշնչելով նախանձ և ատելութիւն:

Հեռու կրօնների պաշտպանութեան մտքից կամ եղած կրօններից մէկին առաւելութիւն տալուց՝ մենք այնուամենայնիւ անկարող ենք աչքներս փակել իրականութեան վրայ և չնոստովանել, որ կրօնական զգացումը շատ ուժեղ է դեռ Վոլկասի ազգութիւնների մէջ և կազմում է ամէն մէկի համար մի սրբութիւն: Քանի որ դա այդպէս է, հասկանալի է թէ որքան զգոյշ պէտք է լինել այդ կէտի նկատմամբ. բայց անցնենք մեր կեանքին:

Արդարութեան ու բաւարարութեան ի՞նչ զգացմունք կարող է զարթել կովկասցի մահմէդականի մէջ, երբ նա տեսնում է թէ ինչպէս իր երկրում, իր վճարած տուրքերի գնով կառուցւում են հոյակապ տաճարներ, պահուում են օտար քահանաներ, փառաբանւում է ուրիշ կրօն, ուրիշ Աստուծ:

Ի՞նչ զգացմունք, բացի ատելութիւնից ու վրէժխնդրութիւնից, կարող է ունենալ կախէթցի վրացին, շիրակեցի հայը, ծալկեցի յոյնը, լսելով սլավոն ժամասացութիւն Ս. Նունէի գերեզմանի, Լուսաւորչի մասունքների վրայ և համաշխարհային յունաց եկեղեցու կամարների տակ:

Կայ արդեօք ծնողների համար աւելի ծանր վիրաւորաբ քան այն, երբ ուղղափառ եկեղեցին հրամայում է ոստիկանի միջոցով, ոռոսաց և միմիայն ոռոսաց եկեղեցում մկրտել խառը ամուսնութիւնից ծնւած երեխային:

Կարելի՞ է արդեօք երեւակայել աւելի մեծ անբարոյականութիւն, քան այն, որը բնականաբար արծարծւում է փոքր և մանաւանդ ոչ ոռոսադաւան ազգութիւններին պատկանող թոյլ անձնաւորութիւնների մէջ, որոնք հող, պաշտօն ստանալու համար, կամ «իշխող», բարձր դասակարգի մէջ մտնելու տենչով, մի կողմ են գցում մայրենի լեզուն, սովորութիւնները և հաշից դուրս՝ փոխում, վաճառում են իրենց համոզմունքները, հայրենի կրօնն ու հաւատքը:

Դժուար է, կարծում ենք, երեւակայել աւելի մեծ ողբերգութիւն, քան այն, որ կատարւում է ոռոսադաւանութիւն ընդունած այն հայ գիւղացիների սրտերում, որոնք յաճախում են իրենց ծնողների, իրենց իսկական պաշտած սրբավայրերը միմիայն գաղտագողի ու մութ գիշերներով...

Ո՞ր բարեխիղճ մարդը այս պարագաներում կարող է անտես առնել ոռոսաց ազգային գերիշխանութիւնից ծագած անսահման չարիքները և լուութեամբ անցնել աղի արցունքով լի այն բաժակի մօտից, որ խմում են ամէն օր Վոլկասի մանր ազգութիւնները:

Ո՞ր տրամաբանօրէն մտածող մարդը կը համարձակի հերքել, որ մանր ազգութիւններին պատկանող տարրերը իրաւունք ունեն և պարտաւոր են պաշտպանել իրենց ազգային շահերը ամբողջ կազմով, պաշտպանել սիստեմատիկ կերպով, ամէն օր ու ամէն բոլոր, ինչպէս սիստեմատիկ և տեղական է այդ ազգութեան վրայ բռնացող գերիշխանութիւնը:

Մի՞թէ նոյն բանը չենք տեսնում մենք և ուրիշ երկիրներում՝ Գերմանիա, Աւստրիա, Ունգարիա, ուր ճնշւած ու կեղեքուող լեհացիք, չեխերը, սլավոնները, խորվատները, հարկադրւած՝ սիստեմատիկ տնտեսական ու կուլտուրական պաշտպանողական կռիւ են մղում ազգային մենաշնորհ վայելող պրուսացիների, աւստրիացիների, իտալացիների, ունգարների դէմ, գիմելով շատ անգամ այնպիսի բացառիկ միջոցների, որոնք նորմալ պայմաններում կը համարւէին արհեստական ու անբնական:

Մի՞թէ նոյն բանը չենք տեսնում մենք և բնութեան մէջ, ամբողջ կենդանի աշխարհում, ուր ամէն մի բոյս, ամէն մի ծիւ ձգտում է ունենալ իր նմանը, տենչում է գրաւած լինել երկրիս թէկուզ ամենաչնչին մասնիկը. ուր ամէն մի կենդանի, ամէն մի թռչուն, ամէն մի կեանքով օժտւած արարած պատասխանում է իր վրայ տեղացող հարեաններին, իսկ վտանգը աճելու դէպքում ամէն

մինը միանում է իր նմանների հետ, իր անձի ու ցեղի պաշտպանութեան համար:

Ի ն ք ն ա պ ա շ տ պ ա ն ու թ իւ ն ը բնութեան ամենահիմնական օրէնքներից մէկն է: Նա անհրաժեշտ պայման է բուսական և կենդանական տեսակների գոյութեան համար, դա այն հիմնաքարերից մէկն է, առանց որի կանգ կ'առնէր բնութեան զարգացումը, մարդկութեան առաջադիմութիւնը:

Վասկած չկայ, որ ուսու գերիշխանութեան տակ հեծող Վովկասի ազգութիւնները նոյնպէս բացառութիւն չեն կազմելու այդ օրէնքից, կանգնելու են հակակշիռ իրենց գլխին տեղացող հարածներին և իրենց ազգային ամբողջ գոյութիւնն ու զարգացումը ապահովելու են իրենց կեանքի բացառիկ պայմաններին համապատասխան միջոցներով:

Անշուշտ, կը գտնւին անհատներ, նոյնիսկ խմբեր, որոնք կուրացած ֆրազների ու վերացական դատողութիւնների մշուշով, կամ պարզ երամական բնազդից՝ հետևել մեծ, թէկուզ տարբեր պայմաններ ունեցող երկրների հոսանքներին՝ կը համարեն այս պատճառաբանութիւնը սխալ, վնասակար:

Սակայն, վրացի, հայ և միւս ճնշւած ազգերի ստւար մեծամասնութիւնը Վովկասում, իր առողջ դատողութեամբ ու հոգառութեամբ աչքից չի թողնի իր բացառիկ կացութիւնը իբրեւ որոշ ազգի անդամի և կ'ըմբռնէ իրականութեան պահանջները:

Եւ ինչպէս անձնական, ընտանեկան, կորպորատիվ (դասակարգային) նեղ շահերը չեն արգելում նրան զբաղել նաև աւելի լայն հարցերով, այնպէս էլ մօտ և հեռու ապագայում իրագործւելիք սահմանադրութեան, ազգային ինքնավարութեան, սոցիալական վերածնութեան անհրաժեշտ բայց հեռավոր նպատակները չեն խանգարելու նրան՝ հէնց այսօրուանից պաշտպանել ուսուց ազգային-կառավարական մենաշնորհի տակ հեծող հայ, վրացի, թիւրք և այլ ազգութիւնների կեանքի ու առաջադիմութեան ամէն օր բռնաբարւող անկապտելի իրաւունքները: Այլապէս, — մինչև հեռաւոր արդար կարգերի իրականացումը, — ճնշւելով, կեղեքւելով աւելի ուժեղների կողմից՝ մանր ազգութիւնները կը թուլանան, կը լքւին, կը մարին:

Միմիայն այս ճշմարտութեան քաջ գիտակցութիւնը կարող է ապահովել Վովկասի բոլոր ազգութիւնների գոյութիւնը և անսայթաք ու զուգընթաց առաջադիմութիւնը:

Միմիայն այս ճշմարտութեամբ լուսաբանւած ուղղութիւնը պիտի լինի վրացի, հայ և բոլոր ճնշւած մանր ազգութիւնների նշանաբանը՝ թէ երկարատեւ, խաղաղ և թէ փոթորկալից կուրի ընթացքում:

(Կը շարունակւի)

Դ Ր Ո Ւ Թ Ի Ի Ն Ը Կ Ո Վ Կ Ա Ս Ո Ւ Մ

Դալիցին գաղանցանքի մէջ. — Տէրօրական նոր գործողութիւններ. — Կանչելին պաշտօնանկ. — Խստութիւններ:

Թիֆլիս, 20 գեկտեմբեր 1903

Մեր դահլճները այժմ իրենց շւաքից էլ վախենում են: Վովկասի ամենազօր բռնակալ Դալիցին գիշեր ու ցերեկ բռնել կտրած՝ ամէն տեղ հայ տէնօրիստի ստւերն է

տեսնում: Իր փոխանորդ գեներալ Ֆրեզէյի հետ նա այժմ ողբերգական մի կատակերգութեան ներկայացումն է տալիս Թիֆլիսի բնակիչներին. հարկւարաւոր զինւորներ՝ ինժեներների ու օֆիցերների ղեկավարութեամբ եռանդով փորում են պալատի շուրջը և ուշի ուշով հետազօտում են հողը, մի գուցէ այնտեղ թաքցրած լինին բռնկող նիւթեր. . . Խելագարը, ստում են, գիշերը ինչ որ ծարձատիւն է լսել պալատի տակ և ինչ որ սպառնական նամակներ է ստացել. . . Ոչինչ չեն գտնում և կառավարութիւնը միայն ծաղրի առարկայ է դառնում: Նա հրամայել է փորւածքի գծով մի անցք շինել պալատի շուրջը, ուր զինւորները պիտի հսկեն շարունակ, որպէս զի հանգիստ քնէ կառավարչապետը. ապա թէ ոչ «վախկոտ» հայերը, «մի գուցէ միս» ներկայացնող հայերը — այդպէս է Կալիցինը անւանել հայերին կայսրի առաջ — կարող են մի գեղեցիկ օր օգը ցնդեցնել կովկասեան ամենազօր հրամանատարի պալատը. . .

Գաւառներից ևս մեզ հասնում են սրտապնդող լուրեր: Գ.Ա.ՉԱԿՈՒՄ, գեկտեմբերի 7-ին տէնօրի է ենթարկւել մի գաղանի ոստիկան:

ԱԽԱԼՔԱԼԱՔՈՒՄ սպանւել է էլի մի ոստիկան: Տէնօրիստները ազատ են:

ԱԼԷՔԱՆԴՐՈՊՈԼԻՄ սպանւել է կարսեցի մատնիչ ձիաւոր Պետրոսը:

Սպանութեան փորձ եղաւ, դժբախտաբար անաջող, Կարսի ոստիկանապետ Խերխուլիձէի վրայ. ծանր վիրաւորւեց նրան ընկերացած ոստիկան Գուսգիէվ. գնդակներից մինը ծակեց նրա կուրծքը:

Էջմիածնի սինօդի տիրահաշակ պրօկուրօր Կանչելի պաշտօնանկ եղաւ: Նրան զրկեցին մինչև իսկ պաշտօնական համազգեստից ու թօշակից: Ի՞նչ հանելուկ է այս. . . առայժմ անըմբռնելի է:

ԿԱՐՍԻ շրջանում կառավարչական մի նոր Յանձնաժողով՝ բաղմամբ զինւորներով շրջում է և աշխատում երեսփոխների ու հոգաբարձուների ստորագրութիւնները հաւաքել, որով պարզէր, թէ իբր հայերը իրենց յօժար կամքով են յանձնում եկեղեցական գոյքերը:

Ռէակցիան խելակորոյս հարւածում է աջ ու ձախ: Ամէն օր նոր խտրութիւններ: 'Հայ ազգաբնակչութեան վրայ սարսափ ձգելու նպատակով՝ բանտարկւում ու արսորւում են բաղմամբ հայեր հասարակութեան բոլոր խաւերից: Աքսորւած են առայժմ՝ Բագրից 15 հօգի, Երեւանից՝ 23, Թիֆլիսից՝ 7, Կարսից՝ 12. ուրիշ տեղերից արսորւածների թիւը դեռ չգիտենք:

Թիֆլիսում բանտարկւածների թւում են «նոր դար»-ի խմբագիր Սպանդարեան, նրա մշտական աշխատակից Յովհ. Մալխասեան («նոր դարի»-ի հրատարակութիւնը այդ պատճառով դադարած է), բժշկապետ Նաւասարդեան, Ստեփան Զօրեան, ուսանող Ստեփանեան:

Հայկական Ինքնապաշտպանութեան Կ. Կօմիտէն նոր թռուցիկներով մերկայանում է կառավարութեան արարքները և կուր յորդոր է կարգում հայ ժողովրդին:

Ս Ա Ր Ա Յ Օ Վ Ի Ն Ա Մ Ա Կ Ր

Մակեդոնական շարժման պարագլուխ Բ. Օրիս Սա-
րաֆով որ Մակեդոնիայում իր ձեռքով վարած փայ-
լուն կռիւներից յետոյ, գրեթէ հրաշքով ազատեց ապս-
տամբութեան թաարից, իր ընկեր և զինակից Գերջիկովի
հետ անցաւ Եւրոպա՝ շօշափելու համար քաղաքական
շրջանների տրամադրութիւնները և տեսնելու մակեդո-
նական դատի ականաւոր պաշտպանների հետ: Նա այ-
ցելեց Վիեննա, Պարիզ, Լոնդոն, Ժընեւ, Էռզմէ: Պարիզ
կղած միջոցին՝ Սարաֆով հետեւեալ նամակը հրատա-
րակել տւեց «Պրո Եւրմէնիա»-ի մէջ, ուղղւած՝

Հայ ընկերներին

Պարիզ, 29 դեկտ. 1903 թ.

Խորապէս զգացւած այն շնորհաւորութիւններից ու
ջերմ համակրութիւններից, որ Հայ Յեղափոխական Դաշ-
նակցութիւնը արտայայտեց ինձ Մակեդոնիայից իմ վերա-
դարձիս, ինձ չափազանց հաճելի է օգտուել այդ առիթից եւ
մի քանի խօսք ուղղել ձեզ «Պրո Արմէնիա»-ի միջոցով, որ
այնքան իրաւամբ յարգւած է՝ մարդասիրական մի դատի
իր ստանձնած պաշտպանութեան համար:

Հայ ընկերներ

Սրտանց շնորհակալութիւն յայտնելով ձեզ՝ Ձեր բարե-
մաղթութիւնների ու ջերմ համակրանքի համար, ես մի ան-
գամ եւս խնդրում եմ ընդունել մակեդոնացիների կողմից
եղբայրական համերաշխութեան մեր անխախտ հաւատարմ-
ները:

Այդ համերաշխութիւնը հայերի եւ մակեդոնացիների մէջ
մենք արտայայտեցինք արդէն Եւրոպայի առջեւ 1899-ին,
երբ ներկայացրինք հաւաքական մի յայտարարագիր Լանէի
խորհրդաժողովին:

Այդ համերաշխութիւնը հայերի եւ մակեդոնացիների
մէջ մենք չեղտեցինք ընդհանուր գործակցութեամբ Համի-
դեան լծի դէմ, որ մենք կրում ենք միասին:

Յուսանք, հայ եղբայրներ, որ առաջիկայ գարնան այդ
ողբայրական համերաշխութիւնը պիտի յաղթանակէ ընդ-
հանուր ու վերագոյն մի գործակցութեամբ, որը կը տապալէ
բռնակալին եւ կը հարկադրէ Եւրոպային ի կատար ածել
մարդասիրական այն առաքելութիւնը, որ նա ստանձնել է,
ստորագրելով Բեռլինի դաշնագրի 23-րդ և 61-րդ յօդւած-
ները:

Յուսանք, որ այդ փրկարար գործակցութիւնը կը փչրէ
շղթաները երկար դարերից ի վեր մարտիրոսացւած՝ երկու
ազգերի:

Կեցցէ՛ Հայաստան, կեցցէ՛ Մակեդոնիա, կեցցէ՛ մարդ-
կային համերաշխութիւնը:

ԲՕՐԻՍ ՍԱՐԱՓՕՎ

Մ Ա Ջ Ի Ա Ն Պ Ա Տ Ի Ժ

Տարօնի կենտ. Կոմիտէի որոշումով՝ անցեալ նոյեմբե-
րի 14-ին խնուսի մէջ տէնօրի է ենթարկւած խնուսցի
Տիգրան Գեորգեան, իբրեւ դաւաճան:

Նա յայտնի էր յեղափոխական շրջաններում «Ազրայէլ»
կեղծ անւան տակ: 1896 թւին երգել էր ծառայել
հայ յեղափոխական դատին, բայց շուտով դաւաճանեց
իր խօսքին: Հրապուրւելով մեր դահիճների ոսկինքով
նա դարձաւ լրտես, մտաւ ոստիկանութեան ծառայութեան
մէջ և ուղղութիւն ու փաստեր էր տալիս կառավարու-
թեանը իր նախկին ընկեր Արամ Արամեանի գործի քննու-
թեան միջոցին, որը և հասցրեց վերջինիս կախաղան:
Դաւաճանութեամբ ստորագրած լինելով իր մահաւան

դատաւճիռը, Ազրայէլ փոխում էր միշտ իր պաշտօնա-
վարութեան կէտերը, յուսալով, թերեւ, որ ժամանակը
մոռացութեան կըտայ իր սե գործերը: Բարեբախտաբար
գեռ ևս չէ մարած հայի պատւասիրութեան զգացմունքը,
գեռ շողում է հայ տէնօրիստի վրէժխնդիր սուրբ:

Դաւաճանը ստացաւ իր արժանի պատիժը, վաղաժամ
կորած ընկերների ոսկորները կարող են հանգչել գերեզ-
մանի մէջ...

Մեզ հաղորդում են Կարինից (դեկտ. 2), որ Բասենի
կուռի միջոցին գերի ընկածներից մէկը՝ Առաքել
Մկրտեան վախճանւած է քաղաքի բանտում և
թաղւած մեծ շուքով:

Բաթումից մեզ հաղորդում են, որ սրանից մի քանի
ամիս առաջ Արդվինում բանտարկւած 40 հոգին (որոնց
մէջ է և Դարմշտատի ուսանող Գեորգ Տէր-Աբրահամ-
եան) ազատւած են բանտից:

Ն Ի Ի Ր Ա Տ Ի Ո Ի Թ Ի Ի Ն

ԱՐԵՒՍՏԵԱՆ ԲԻՒՐՈՆ ստացած է՝

Ամերիկայի Բրիչլայօրտ քաղաքից՝ Բոյաշեանից 20. 60 Փր.:
Վիեննայից Ա. Գ. 7 Փր. Բրոքլինների ու պատկերների
վաճառումից 17 Փր.:

Բուլղարիայի Սլիվէն քաղաքից՝ Խաշ. Յովհ. 40 Փր., Տ. Արա-
քել 5 Փր.: Ռումանիայի Բրախլա քաղաքից Ս. Բոլ. 35 Փր.:
Ոսկանապատի «Դրամ» խմբից երկու անգամ դրկուած՝
6000 Փրանք:

Ընդհանուր գումար 6124 Փրանք 60 սանտիմ:

ՎրիՊԱ. — Նախորդ համարում Արեւմտեան քիւրօյի հաշի
մէջ տալւած էր՝ Փիլիպպէի «Աստղիկ» խմբից 50 Փր., պէտք է
լինի՝ «Աստղիկ» խմբի ձեռքը ստաց. 50 լէվ ոսկի՝ ընկերական
երեկոյթէ մը:

ԱՄԵՐԻԿԱՅԻ Կեդր. Կոմիտէն՝

ՓիլԱՏՏԷՎՓԱՅԻ Կոմիտէին ձեռամբ, 1901-ի հաշիւն.

Ֆ. Օ. 13. 50 դոլար, Բ. Ե. 7. 50, Թ. Փ. 7. 50, Յ. Ն. 6. 50,
Դ. 2. 1. 50, Ա. Ե., Ա. Յ., Գ. Ե., Յ. Գ., Գ. Զ., Ա. Յ., Պ. Մ.
25-ական սէնթ: Այլեւայլ հասոյթներէ 4. 87 դոլար: Գումար 43
դոլար 12 սէնթ:

1902-ի հաշիւն.

Կ. Օ. 108. 50 դոլար, Զ. Բ. 50, Յ. Ն. 28, Թ. Փ. 23, Պ. Ն. և
Տիկ. Կ. 20, Բ. Ե. 18, Մ. Գ. 12. 50, Բ. Բ. 12, Տիկ. Մ. Թ-եան
և Դ-եան, Ա. Զ., Տիկ. Ն. 10-ական, Գ. Թ. ու եղբ. 9. 75,
Դ. 2. 8, Մ. Դ. 7. 75, Ն. Յ. և եղբ. 7. 75, Ա. Ե. 5. 25,
եղբայր Է., Տիկ. Զ., Ա. Ս., Ս. Ս., Տիկ. Կ. 5-ական, Յ. Խ.
4. 50, Պ. Մ. 3. 75, Ա. Ե., Գ. Մ., Խ. Տ. 2. 75-ական, Մ. Ե.
2. 50, Գ. Մ. 2. 25, Յ. Պ., Փ. Ա., Դ. Ե., Ն. Փ., Ս. Մ., Տիկ. Փ.,
Ոմ 2-ական, Գ. Ա. 1. 75, Ե. Ա. 1. 50, Մ. Մ. 1. 50, Գ. Ժ. և
2որս Անժինը մէյ-մէկ, Ս. Ե. 25 սէնթ: Այլեւայլ հասոյթներէ
1. 87, Ընկեր Կ. Օ-ի պատկի առթիւ 52. 50 դոլար: Գումար
475 դոլար 12 սէնթ: Ընդհանուր գումար 518 դոլար 24 սէնթ:

Զանքըրաի Կոմիտէին ձեռամբ 1902-ի հաշիւն.

Յ. Ն. 35. 20 դոլար, Զ. Պ. Ե. 35, Գ. Դ. 38, Յ. Ռ. 27. 20,
Ա. Ն. 20, Համակրողներէ 32. 60 դոլար: Գումար 178 դոլար:

Նիւ Կլիփօրթի Կոմիտէին ձեռամբ 1902-ի հաշիւն.

Ա. Ռ. 36 դոլար, վրէժ 31, Գ. Պ. 26, Ա. Խ. 12. 50, Ա. Տ. 12. 50
Փ. Տ. Օ. 2, Համակրողներէ 24 դոլար: Գումար 145 դոլար:

Թրոյի Կոմիտէին ձեռամբ 1903-ի հաշիւն.

Սանիմ, Հարաւ, Վաղան, Վաղգէն, Առիւծ 10-ական դոլար,
Թափառական, Գուրգէն Գայլ Վահան, Ամազոն, Փարսատ 5-ական,
Միլլ 3, Զաւէն, Մարթին 2-ական, Յետու, Արտաշէս մէյմէկ,
ամսավճարներէ և ուրիշ աղբիւրներէ 32. 62 Գումար 121 դոլ. 62 ս.:
Ընդհանուր գումար 962 դոլար 86 սէնթ:

ՎՐԷՏԻ Կեդր. Կոմիտէն՝

Միշնարէթից՝ Եղ. Ս. Ա. 500 դոան, Որ. Բ. 2. 250, Եղ.

Ս. Շ. 200, Ծղ. Գ. 2. 200, Որ. Մ. 2. 100, Ն. Ա. 100, Կ. Տ. Ա. 75, Տեղացի 100, Ա. Յ. 40, Ն. 2. 40, Ոմ 150, Անձամթ 20, Որ. Բ. Ա. 200, Բեգից 200, Յ. Մ. 25, Արմենական կազմա-լուծված խմբից 30, Զ. 20, օր. Արիստիկ 20, «Զօլա» խմբի 6 ամսայ անդամավճար 200, «Կարօ» խմբի 2 ամսայ անդա-մավճար 40, «Դերիկ» խմբի 2 ամսայ անդամավճար 22 դոսն: Գումար 2532 դոսն:

ԳԱՅԻՐԵԻ ԿՈՄԻՏԷՆ

1903 թի մայիսէն դեկտեմբեր՝ Ենթակոմիտէի կազմակեր-պած վիճակահանութեան զուտ արդիւնը 2256. 50 դոլարու 20 ց, Ա. Էվիանի որդւոյն մկրտութեան հանդէսին հանգանակւած 350, Գորին խումբի անդամավճար 260, Նոյն խումբէն Աշոտ-Երկաթի կազմակերպած վիճակահանութեան զուտ արդիւնը 227, Բաֆֆի խումբի անդամավճար 149, Նոյն խումբին միջոցաւ Յ. Թաթոսեան 12. 50, Ա. Հնգապապեան, տիկին Ա. Աւետիսեան, Ժ. Թաթոսեան, Անտոն 10-ական, Վ. Թաթոսեան, Ե. Բամպուրճեան, Ա. Յովսէփ, Ժիւստան 5-ական, Միհրդատ խումբէն 30, Նոյն խումբին միջոցաւ Աշոտ 15, Մ. Իշլէմէճի, ապրիլ 15, Սմբատ 10-ական, Գ. Գալ-Ֆայեան 8, Պարոյր, Մարդ 5-ական, Սիւնի խումբէն 70, Անահիտ 90: Միւս իւրեք Ժիւստայր 97. 50 դոլարու 20 ց:

Համագումար 3665. 50 դոլարու 20 ց:

ԲԱՐՁՐԱԿԱՆԳԱԿԻ Պատ. Կեդր. Կոմիտէն

Սաւոյ 20րի Կեդր. Կոմիտէի միջոցաւ տուգանք Ն... երէ 389 դահեկան, տուգանք ծովափէն 200, տուգանք Խուզէն 832, տուգանք Ն... երէ 200, եւս 200, եւս 100, Նէր Բզունեաց Մա-մարիայ գիւղից 108, Ապառաժ գիւղից 50, Ապահովեաց Բու-րաստան գիւղից 300, օգնութիւն վտանգւած ընկերոջ Շուշակաշէ գիւղի խմբից 200, Գոմոր գիւղի խմբից 220, Զրաւան գիւղի խմբից 160, Զար գ.-ի խմբից 80, Սողոմ գ.-ի խմբից 50, -ից 200 դահեկան: Գումար 3289 դահեկան:

ՍՐԳԱՍՏԱՆԻ ԿԵԴՐ. ԿՈՄԻՏԷՆ

1. Բաղաքի շրջան

1902 թ. սեպտեմբերից մինչեւ 1903 թ. սեպտեմբերի 15-ի մուտքը. — Օր. Մ-սարեանի պարահանդէսից 36 ռ. 25 կօպ, վիճա-կախաղից 3, օրհորդների խմբի վիճակախաղից 55, օր. «Զարուհի Դերոյեան» խմբի երեկոյթից 100, Նոյն խմբի Զան-գիւղումից 25. 77, Նոյն խմբի անդամավճար 32. 85, Աշակերտական միութիւնից 100, Ալագեազ խմբի «Աւետիսից» 90. 10, Վաճառականների ա. խմբի անդամավճ. 29, Վաճառականների բ. խմբի անդամավճ. 83, Համեթից 140. 60, Գործակատարների ա. խմբի անդամավճ. 20, Գործակատարների բ. խմբի անդամավճ. 62, Ներկայացումից 19. 67, Բաղրերունի խմբ. 32, Արհեստաւորների խմբ. 50. 4, Նկար-ներից 83. 56, Հացկերոյթից 74. 30, Անկախ խմբ. 7. 85, Երկաթ խմբ. 35. 70, Թերթով հանգանակւած 38. 60, Փոնշ խմբ. 21, Ժաղկախումբ 7. 50, Սերոբ խմբ. 6. 90, Հացկերոյթից 43. 48, Երազ խմբ. 47. 61, Վազգէն խմբ. 9, Հացկերոյթից 5. 16, Սլաք խմբ. 16, Վիճակախաղից 20. 10, Հեղեղ խմբ. 19. 20, Հացկերոյթից 90, Խտէլիգէնտ խմբ. 30, Աղասի խմբ. 30, Բաղաքամասի խմբ. 103. 60, «Աւետիսից» 29. 15, Ներկայացումից 91. 15, Բուֆէտից 152. 54, Նէր Մնացական Լօթուց 20, Նէր Լաստից 10, Նէր Սոկրատից 1200, Նէր Տէրեանից 1500, քժ. Սարեանի հանգա-նակւած 29. 39, Երկաթի ատրճանակից 20, Բաց Նամակներից 6. 80 ուրլի: Գումար 4628 ուրլի 14 կօպէկ:

2. Արարատի շրջան

Նէր տիկիններից 45 ուրլի, ապառիկ մնացած 1902 թ. 58: Հետեւեալ խմբերից՝ Տիգրիս 5, Զալաղ 5, Վաճ. Խ. Փ. 6. 60, Փայլակ 3. 75, Արաքս 6. 25, Վրէժ 3. 75, Բարդող 7. 50, Աշտիշատ 4, Դար 7. 20, Ժաղիկ 5, Զինուոր 3. 75, Սիփան 3. 75, Յոյս 7. 50, Արհեստ 7. 50, Միութիւն 10, Արշարունի 6, Ժաղիկ Սամոյ 5, Պարտէզ 15, Սիս 4, Մորակ 3, Բուսիկ 5, Արհասիրտ 4, Թա-թուլ 4, Արիւշան 4, Որսորդ 3. 75, Աշխոյժ 4, Դորդան 5, Բարադար 9, Ուս 3. 75, Դաշոյն 3, Մշակ 5, Զեփիւռ 3, Բուլք 3, Արծիւ 6, Կոկոն 6: Հողակոյտ գիւղի խմբերից՝ Վրան 5, Օգնական 5, Մասիս 10, Արծիւ 10, Հրաբուրիս 3. 50, Պլատին 2. 50: Կորիզ եւ Եզր գիւղերի խմբերից՝ Աղբիւր 6, Որսորդ 10, Միութիւն 30, Պարտէզ 27, Դաշոյն 6, Զաւակ 5, Յոյս 15, Ժաղիկ 10, Ժաղիկ Սամոյ 10, Զեփիւռ 5, Թաթուլ 8, Մորակ 6, Բարդող 15, Արհեստաւոր 10: Ապառաժ գիւղի խմբերից՝ Բուսիկ 5, Բարադար 18, Դորդան 5, Աշխոյժ 8, Յուլակ 8, Թափանցիկ 4 ուրլի: Գումար 538 ուրլի 5 կօպէկ:

3. Արմաւիրի շրջան

Հետեւեալ խմբերից՝ Անկախ 24 ուրլի, Ալէկոժ 65. 30, Նոր-ուժ 11, Դա-է-Վրէժ 18. 80, Արա 5, Արամայիս 12. 50, Կոկոն 2. 30, Առիւծ 3. 40, Արմաւիր 6, Թաթուլ 12, Անաուտ 4. 20, Արմաւիր,

Թաթուլ, Անաուտ խմբերից 26. 10, Հարսանիքից հանգանակւած, Պողոսի միջոցով 27. 61, Համոյի միջոցով 15. 50 ուրլի: Գումար 233. 71 ուրլի:

4. Բասախի շրջան

Կարմիր Զարի խմբի «Աւետիսից» 100 ուրլի, Խթան-Բաղբե-րունի խմբ. 21. 65 ուրլի: Գումար 121. 65 ուրլի:

5. Բարձր-Տեղի շրջան

Հետեւեալ խմբերից՝ Ոսկէհանք 25. 80, Հազարեակ-հարիւրեակ 7. 10, Գժարոյժ 10, Հազարեակ 15, Բարձր-տեղ 254. 20, Վիճա-կախաղից 13, 20րից 52 ուրլի: Գումար 377. 10 ուրլի:

6. Նիգի շրջան

Հետեւեալ խմբերից՝ Առիւծ 9 ուրլի, Ախուրեան 12, Երեւան 4, Ժիւ-Պալ 6, Արծիւ 8. 10, Երեւ 8. 70, Բարաբերդ 20. 80 ռ.: Գումար 67. 60 ուրլի:

7. Ծաղկաձորի շրջան

Ժաղկաձորի խմբ. 87 ռ., Տասն խմբերից 24. 45, Ռաւան խ. 10 ուրլի: Գումար 71. 45 ուրլի:

8. Զրաբաշխի շրջան

Հետեւեալ խմբերից՝ Աղալի Միւսիկ 21. 5 ռ., Վազր 21. 45, Զարմայր 26. 20, Առիւծ 29. 85, Հրազդանի ա. ք. գ. խմբ. 14. 60, Կայծակ 4. 15, Բաշ 2. 30, Ազատ 3. 25, Արարատ 3. 25, Արա-մայիս 6. 75, Արաքս 4. 40, Միքո 4. 15, Ամրոց 1. 20, Օվայիս 3. 5, Հացկերոյթից 37. 80, Ն' 30 Թերթով հանգանակւած 24. 85 ռ.: Գումար 208. 30 ուրլի:

9. Ազատ Գետի շրջան

Հետեւեալ խմբերից՝ Վարդենի 19 ուրլի (Ն' 5 Թերթով), Առատ գետ 30. 50, Մարմար 8. 50, Ժաղկախումբից 20, Արաքս 4. 70, Աղբիւր 8, Վարդենի 8 ուրլի: Գումար 98. 70 ուրլի:

10. Ազատ Դաշտի շրջան

Վարդուիւնից 651. 37 ուրլի, «Աւետիսից» 50: Հետեւեալ խմբերից՝ Ուխտ 10, Պողոտու պարտէզ 118. 80, Ազնիւ 50. 65, Վարազ 34. 10, Տարափ եւ Հարօս 22. 80, Բարձր 11. 75 ուրլի: Գումար 947. 47 ուրլի:

11. Տրտում Գետի շրջան

Սրբնթաց խ. 9. 85, Տօղուն 13. 35, Տրտում 13. 95, Սլաք 9. 90, Արշալոյս 8. 60 ուրլի: Գումար 55. 65 ուրլի:

12. Արփա-Հայի շրջան

Թերթով հանգանակւած 70 ուրլի, անդամավճար 118: Գու-մար 188 ուրլի:

13. Նոյեան-Տապանի շրջան

Թերթով հանգանակւած 57. 15 ուրլի, Ն' 16-ի Թերթով հա-նգանակւած 69, Թերթով հանգանակւած 52. 30, Նէր Ափի Զան-Յա-կոբից 25: Հետեւեալ խմբերից՝ Տապան 17. 20, Սերոբ 6. 45, Վրէժ 11. 40, Իլանդաղ 20, Մազնիտ 16. 30, Արաքս 14. 85, Գրաւիշ 20, Արծիւ 15, Միջակէտ 11. 20, Տապան 17. 20, Սերոբ 6. 50, Իլանդաղ 12. 60, Մազնիտ 35, Արաքս 4. 50, Գրաւիշ 20, Արծիւ 11 ռ.: Գումար 461. 65 ուրլի:

14. Հովիտի շրջան

Ասող խմբից 18 ուրլի, երեկոյթներից 112, Լիժ քաղաքի Ներկայացումից 44. 45, Գառ-բաշ գիւղի Գանձիկ խմբ. 21. 10 ռ.: Գումար 21. 10 ուրլի:

Հնդհանուր գումար 8193 ուրլի 12 կօպէկ:

Ա Ջ Դ

Հատով «Դրօշակ» ստացողներին խնդրում ենք վերա-նորոգել իրենց հասցէները:

Այն բոլոր անձանց, որոնք չեն կրկնել իրենց պա-հանքը «Դրօշակ» ստանալու մասին, Եռնուարից սկսած չպիտի ուղարկւի Թերթով:

ԽՄԲԱԳՐՈՒԹԻՒՆ «ԴՐՕՇԱԿ»

Խմբագրութեան գիմել հետեւեալ հասցէով՝
Rédaction du «Droschak», Genève (Suisse)